



明齋先生集 十九

墓誌銘
墓碣銘

卷二十一

~ 16
2376
20



和
號 2376
卷 26-20

明齋先生遺稿卷之三十七

墓誌銘

市南先生墓誌銘

崇禎紀元之後三十七年甲辰二月廿五日市南先生卒五月戊辰葬于湖西嘉林七山壬坐之原吾先君子爲之狀以述其終始焉先生之季子命興長孫相基欲埋石於墓前復使拯誌之謹叙世系子孫歷官季月如法而係以銘先生諱榮字武仲姓俞氏其先杞溪人有諱義臣以羅氏世臣不服于麗坐降爲縣之戶長是爲始祖四世而至諱汝諧始顯自後簪



組不絕入我 朝有諱汝霖禮曹判書諡景安諱絳
戶曹判書諡肅敏仍父子當我 中明兩朝爲名臣
景安長子府使諱縝以肅敏次子諱涵爲後 贈議
政府左贊成卽先生之曾祖也祖諱大徹通政郡守
贈吏曹判書考諱養曾禮賓寺參奉 贈吏曹參判
妣宜寧南氏兵曹參判以信之女先生以 萬曆丁
未二月廿五日生癸亥丙寅連丁內外憂服闋中庚
午進士癸酉文科選隸承文院除重林察訪丙子薦
拜承政院注書遷侍講院說書是冬扈 駕入南漢
抗疏請正誤國諸臣之罪明季丁丑坐謫越三季蒙

宥甲申叙復注書被史局薦不應陞成均館典籍移
兵曹佐郎乙酉春拜全羅都事夏拜禮曹正郎兼知
製 教秋奉 命試士于湖西丙戌夏除務安縣監
戊子解歸己丑春始拜弘文館修撰夏 孝宗卽位
移司諫院正言秋由兵曹正郎還校理冬遞職歸鄉
初先生疏論諡議忤 旨屢擬銓郎三司不用庚寅
夏 嚴旨竄穩城賴諸臣論辨得己至冬竟申前
命明年量移寧越又明年放歸田里戊戌起廢以侍
講院文學 召還陞弼善尋自成均館司成薦拜議
政府檢詳仍陞舍人兼弼善己亥正月擢拜兵曹參

知差備局副提調卽 孝宗末季也將倚以大用而未及焉歷拜大司諫工曹參議承政院同副承旨兼承文院副提調五月 顯宗卽位移拜成均館大司成又移拜弘文館副提學庚子七月移右副承旨轉左副歷工曹禮曹參議還副提學兼句管賑廳壬寅正月拜吏曹參議病遞又歷禮曹及承旨還天曹冬陞秩拜藝文館提學仍拜大司成兼同知春秋館義禁府事尋遷大司憲又遷吏曹參判七月病遞又歷漢城府右尹副提學都承旨冬還拜天曹時先生疾已篤移右尹甲辰正月又還天曹而皆辭遞及卒壽

僅五十有八矣貞夫人完山李氏臨瀛大君六世孫山岳之女生於戊申十一月二十八日卒於丁未十二月十七日祔葬先生墓左三男一女男長曰命胤吏曹正郎有一子一女子卽相基婿宋茂錫次曰命弼進士壯元亦有一子一女子敬基婿李厚坤伯仲居內艱過毀相繼隕沒敬基亦娶而天季卽命興進士有二子二女子建基餘幼女適尹揀嗚呼先生與吾先君子及叔父石湖公異姓而兄弟也拯未成童而承教誨事之二十有三年矣才劣學淺卒未有以副先生期待之意則今於先生之盛德大業安敢以

昧昧之識僭有所論說耶唯其光輝發外而在人耳目者不可不略載於石末庶幾使人想像比類而得其一二焉蓋其聰明特達生質之異也仁恕忠信德行之懿也風猷器識王佐之具也經術文章醇儒之資也明體適用安定之學也經世濟物希文之志也圍城讜論乞斬倖相則胡銓之直也引經據禮獨爭廟議則尤袤之正也竭誠賑饑澤遍鬻桑則子產之惠也引君當道責專經席則淳夫之講也尊賢闢邪請秩祀典則康侯之奏也寧陵末載受委樞筦密贊尊攘者諸葛之受任也顯廟初元身當世道

盡瘁殉國者君實之無黨也以至孝友爲政宗族以睦泛愛兼容鄉邦無怨誨人必以誠意而無倦著書不爲無益之空言貫穿百家游刃羣書而不以爲博旁通衆務用無不周而不以爲能北竄東遷備嘗險塗而不以爲憾光膺隆眷晚躋亨衢而不以爲榮一心而參三才之道一身而任四海之憂退而居於野則子弟服其教而鄉黨薰其化進而位於朝則人主信其忠而生民蒙其福迹此而言之殆古入所謂名世者非耶後來尚論之士或不以爲吾黨之私言也否耶銘曰

明齋遺稿 卷三十一
山或有時而夷谷亦有時而堙 此爲我先生之幽宅以告爾後人

從叔父朔寧府君墓誌銘

公諱鴻舉字子漸姓尹氏坡平人始祖諱莘達高麗太師其後至諱坤八我 朝策佐命功封坡平君諡昭靖四世而諱倬當 中宗己卯以經術爲諸賢所推重常長國子有子諱先智節度使即公之高祖也曾祖諱暉 贈左承旨祖諱昌世 贈吏曹參判考諱煥漢城府庶尹 贈左承旨妣南原尹氏判校贈吏曹判書祈之女公以 萬曆庚戌生少習舉子

業屢不中二十八筮仕歷職內外內則社稷署南別殿參奉歷 宗廟署奉事繕工監直長典牲署主簿掌隸院司評漢城府兼參軍平市署令軍資監判官掌樂院僉正外則洪川縣監臨陂縣令林川郡守利川府使末守朔寧郡秩滿還休官居家養閒自適歲癸亥 朝家有冒屬忠義查定之舉有稱昭靖公後裔而見摘者公以門長坐謫鐵原移南漢人皆寃之甲子秋感疾八月二十四日卒于謫所其冬葬于廣州南突馬村卯向之新原公爲人寬裕和厚居家孝友蒞官廉平風儀偉然望之知爲長者其宰臨林兩

邑也奉板輿榮養諸弟斑衣迭侍極其娛悅二十四
丁外憂守墓盡制及遭內艱則年已踰艾矣猶終喪
不離次服闋歸京第其在朝也因繡衣褒啓有表裏
之 賜嗚呼此公本末之槩也淑人全州崔氏判書
來吉之女也幼習女訓婦德甚備一門稱之二十歸
于公及遭城崩恨未下從以公歿後四季丁卯十月
病不進藥而終壽八十明季正月祔葬于公墓公有
二男五女長抗郡守次摠直長女長適鄭正陽縣監
次洪受疇掌令次朴泰辰進士次李遇輝季鄭齊斗
佐郎抗娶賓客李昭漢女生一男四女男義教婿曰

金夏明金時保進士趙弘壁李廷稷摠娶縣監慎憬
女未育再娶侍直金鎔女生二女幼鄭生二男四女
男壽崑壽崙婿曰洪重夏翰林李宜著韓元基季幼
洪無后朴生一男弼義李生四男一女男淡餘幼季
鄭生一男一女男厚一婿李徵成嗚呼庶尹公即我
祖考八松府君之弟公與我先君爲同堂兄弟又同
季生而長於先人兩月友愛甚至先人之喪公亦季
六十矣百里來及壙人以其難郡守兄弟命拯爲幽
堂之誌謹敘始終如式而係以銘銘曰
嗚呼我叔父質多於文德踰乎祿 曷不期頤以享

遐福 晚節蹇危姓又不蕃 若羸若齋孰云匪天
惟茲樂丘永寧真宅 維以識之後人是飭

寧陵參奉李公墓誌銘

歲己未拯寓居洪陽之龍溪始得與李公仲安相識
公少遊吾市南先生之門而公子燔又與余相從以
此一見如舊知焉既而竊觀公之持身有檢出言以
謹至於存心尤有不苟者益知其可親焉未幾余還
舊棲公亦從宦又未幾而公遽長逝初不謂其止此
故痛惜之懷久而未已燔來託墓銘唯懼不文顧何
忍辭公諱柱吉仲安其字也謹按家狀其先咸平人

曾祖諱瓘右尹 贈左贊成祖諱效元左尹 贈領

議政考諱浚監察公以監察弟諱灤之仲子為監察
後公生於 崇禎丁丑三歲而喪所生妣青松沈氏
九歲而喪所生考未弱冠而喪所後考幼而能執喪
長而自知學市南先生淡與之奉所後母清州韓氏
以居孝敬出於至性韓氏素抱病公時其飲食節其
寒溫手執藥餌夜不解帶如是者積季韓氏晚更寧
康常歎曰未亾人之得久於世殆賴吾兒之至誠也
性不喜治生業而於奉親之具極力經紀藥物膳服
之需常預措而別儲之一無私蓄雖微物有所得必

獻諸親稟告而用之伯兄奉繼母在別業去公居數十里率三兩日一往省風雨未嘗廢自痛早孤終身不服華盛每遇忌辰竟夕銜恤以事親者事仲父咸陵公春秋往省于京第往輒留侍一兩月有庶叔而貧爲之分衣與食事兄撫弟友悌淡篤一日不見怒焉如飢嘗愛粟谷先生手畫兄弟奉親同居圖一節常曰大賢行事孰非可慕而此尤先得我心之所欲矣儻於閒曠地占得一區同居合堂以終餘齒不亦樂乎有時命酌爲歡曰人生無幾兄弟團欒甚不易事也推而至於族黨睦厚之義加人一等先是祖曾

兩世墓祀依俗輪行自遠取辦多有不中儀式者公慨然曰祭而如此如不祭矣遂倡于同宗各出財力益以私財置庫墓下遂以買墓田具祭器構齋室未數歲無不整辦逐節聚墓下諸族行事如儀以其贏贍諸族人之婚喪者將益恢其規營豎顯刻教養子姓如義莊然而未及焉與人相接周詳和厚而唯於鄉曲鄙瑣之流不肯與之狎昵平居論議務在寬平而辭受取予必審義之當否資剛而識明能臨事不眩故一家事有難斷者多待公言而決咸陵公甚器重之尤於財利視之若浼嘗有人持偽券認公家莊

士爲其先業者公與之甚快其人反慙後無以見公或尤其空棄公曰吾豈爲數畝田與彼輩爭曲直也京中有屋一區爲貴家所橫奪後值貴家失勢或勸之還推公曰初旣以相訟爲恥而不與之較到今乘其敗而圖之尤可恥也雅性恬靜無汲汲於聲利之意己酉始登上庠不設宴戲自後益厭科業晦迹田園不求人知尤避遠形勢之途庚申李相國尙眞長銓素知公薦授南別殿參奉公不欲離親遠遊而又難違親命入京肅 恩李公聞之換授慶基殿參奉以優覲省明年冬移 寧陵參奉公又黽勉赴齋所

己而遞直歸鄉得病歿卽壬戌二月五日也季纔四十有六士友莫不驚惋是歲五月葬于所居青陽縣南白月山麓向卯之原配義城金氏宣務郎培之女大司成申公敏一之外孫也舉一男二女男卽燔女長適士人申著華季未行燔與著華俱有一男二女皆幼公教子有法食不與魚肉如張盪之科場戒以欺君如李君行令子姪同業而教之若一姪有過撻其子有所賜予先姪而後子及其長而出尋師友也初不許曰若或慕虛名而無實效則反有害矣旣而曰汝輩此行非欲爲口耳之資也因誦公明宣之言

而戒飭之手書牛溪先生所抄爲學之方以賜之其務實如此噫迹公之平生可謂孝友清修之善士也而仕止一命壽未中身此奚止吾黨之不幸而已既最而叙之而又系之曰

昔余聞諸炭翁權公潛治朴氏之門最稱方叔先生蓋其聞坡潭之道而絕偏黨之累躬本實之學而尚峻潔之風有使人竦然興慕者寔於公爲從父兄也嗟公言行之可傳者既足爲後人法式而其淵源之所自又如此後之君子尚有考焉

晚退軒申先生墓誌銘

晚退軒申先生諱應傑字子方其先高靈人其高祖曰文景公諱用漑曾祖曰判決事諱瀚祖曰郡守贈參判諱汝柱考曰同知中樞諱撥妣曰貞夫人海平尹氏先生以嘉靖癸丑十一月廿一日生年十八受學于牛溪先生又遊栗谷李先生之門兩先生皆期重之萬曆庚辰以學行薦除內膳參奉壬午中司馬又除靖陵參奉癸未拜王子師傳甲申特命再授乙酉除社稷參奉其冬擢陞六品由掌苑拜稷山縣監戊子監任寶縣癸巳監咸悅縣丁酉丁內艱庚子歷刑曹正郎漢城庶尹秋拜利川府使壬

寅牛溪先生爲羣小所構誣至於追罪遂棄官歸杜門屏居光海戊申拜忠州牧使以親老乞遞特命換授廣州上疏伸牛溪冤己酉遞守朔寧郡庚戌有國慶推恩百官先生以師傅舊勞特陞通政階上封事十條論時務辛亥拜工曹參議又出牧楊州壬子以臨海獄錄翊社勳有藉先生爲說以重其事者遂陞嘉善封靈川君先生恥之屢疏請削不獲癸丑以州事觸權倖被劾就理削職丙辰敘復高陽郡守未幾丁同知公憂服闋例授勳封時 大妃遷西宮先生歎曰綱常絕矣向所以遲回者特以老親故耳即上

章辭職流寓于藍浦海曲光海屢召竟不還 仁祖卽位先生始得改正勳封拜刑曹參議俄入銀臺爲同副承旨轉至左副經席論典學圖治之道遞爲掌隸院判決事秋出春川府使言路請留不能得 天啓癸亥十二月二十二日卒于官壽七十一 上臨筵以未及大用爲恨翌年二月十一日葬于楊州金村里申向之原淑夫人海州吳氏先卒而祔其左先生初娶觀察使金悌甲之女再娶縣令權大勳之女生二女三娶吳氏監役希文之女有淑行配德克敬稱以女士生一男三女男曰澆濟用監正長女適金

就白早歿次適刑曹判書李時發季適戶曹判書李基祚側室一男曰漢武科僉知正三男曰必相主簿翼相吏曹參判遇相參奉五女婿曰郡守金光焯次具鳳翊次李奎齡大司憲申宗華佐郎權世經牧使刑判二男一女慶徽吏曹判書慶億左議政女適府使徐貞履戶判三男六女星齡郡守斗齡永齡進士女婿曰沈若漢次正郎金弘振牧使申汝棡參奉金夏振進士鄭尚徵金浚曾孫曰泳曰瀟曰濟曰潤而外出益蕃以顯多不盡載嗚呼先生生稟剛方正大之資躬篤孝友忠信之行早從事於正學望實甚隆

願以謙卑自牧嘗曰吾儕出處安敢摸擬於師門仍值世道交喪賢路否尼棲遲下位者半世晚際休明若可以展其抱負而遽已告終矣士林莫不痛惜而追慕之始胤子正公述家狀其於志事知而傳之者備矣請金文正公尚憲爲碣銘則其於表裏闡而志之者著矣至孫參判公又記遺事言行之巨細畢載矣屬潘南朴公世采題墓表則德學之本末槩舉矣後世論先生之世而求先生之蘊者庶乎於此而徵之矣參判以誌文尚闕又俾拯記之後生末學安敢以昧識陋辭僭有論撰唯謹叙世系生卒歷官子姓

如法而謹以平日所聞於先人者爲之銘以系之銘
曰
天眷 聖朝畀以斯文 統緒相承有的其源 牛
粟之作若宋河南 英才影從蔚然成林 於惟先
生特拔乎萃 惟弘惟毅所立實偉 位不稱德行
未措業 尚有流風可垂來葉 銘茲幽堂用昭無
極 小子何知庭聞是式

誌文成於辛未越四載甲戌參判公擢陞吏曹判
書明季乙亥進位右議政於是累 贈先生崇祿
大夫議政府左贊成貽厥有慶有此追 命謹識

于下方

外祖考妣墓誌

丁丑

嗚呼此我外祖考成均生員李公外祖妣孺人坡平
尹氏合葬之墓也公諱長白字白也其先公州人高
祖諱棲巖高嶺僉使曾祖諱滌江華府使祖諱慶祉
贈左承旨考諱鍵司導寺正妣青松沈氏水使巖之
女公以 萬曆丁亥八月十八日生庚戌登上庠甲
寅二月七日以疾終壽僅二十八矣孺人之考諱民
逸敦寧都正妣昌原黃氏副護軍大任之女孺人生
於庚寅十一月十九日乙巳冬歸于公以 崇禎辛

未七月二十二日壽四十二而終嗚呼公有美質至
行高才絕藝而孺人之淑德懿範一門稱以女士既
不幸早世又無後嗣天道茫昧嗚呼痛哉有一女即
我先妣也亦於丁丑江都之難自決以死之今上
朝旌閩先君姓尹諱宣舉 孝宗 顯宗兩朝連以
憲官講官徵不起及終特 贈吏曹參議先妣從
贈淑夫人一女二男女適潘南朴世屋繼子泰輔應
教男長即不肖拯季曰推禮賓寺正拯之子曰行教
修撰曰忠教推之子曰自教曰可教公初葬于揚州
孺人之喪更卜交河月籠山西麓向西之原以戊寅

之歲遷公墓而合葬焉拯之生及孺人在世時孺人
撫愛之屬以後事拯竊惟託付之意寔出至情少時
竊慕張魏公請贈外祖之義庶幾夤緣際會得遂區
區之願矣既以非才屏伏窮谷今已垂死矣流根之
報更無可望謹泣記墓誌埋于壙南如式云

尚衣院僉正成公墓誌銘

公諱熙胃字士翼昌寧成氏牛溪先生文簡公之曾
孫也祖諱文濬號滄浪以學行徵拜縣監 贈吏曹
判書滄浪公長子諱櫟司宰監僉正 贈左承旨季
子諱櫻知中樞府事諡靖惠公公即靖惠公之仲子

而爲承旨公後所後妣全州李氏完興君幼澄之女所生妣咸悅南宮氏其考曰特公以 萬曆乙卯二月六日生幼有美質滄浪公愛之謂能繼重而保家也及長連丁所後所生憂九年在草土無違禮四十餘始筮仕由典設司別檢內膳寺直長陞活人署別提庚子監延豐縣書清慎二字揭之座右適當荒歲於救濟之政盡其心力焉數季而歸乙巳又由內資寺主簿司憲府監察監牙山縣居四年以親老路遠棄歸己酉監交河縣縣累經非人弊甚公至一新公解安集逃散邑以稍完又數季罷歸壬子歷司導寺

主簿平丘察訪癸丑歷禮賓寺別提掌隸院司評移漢城府判官嘗輪對入侍咫尺 威顏敷奏詳明見者稱之丙辰遷掌隸院司議不樂在京遂謝官奉靖惠公歸坡山時靖惠公年踰九十公晝夜不離側傍求滋味致養每春秋與一家少長稱觴獻壽以爲常庚申復 宗廟署令守高陽郡時公季六十有六於公格已踰外補之限而朝廷以靖惠公壽且期頤特畀傍郡以優養公到任特設壽席于溪上大會親戚鄉黨所以娛樂之方無不備至遠近聞者咸以爲榮是季冬靖惠公捐館公同宗姪居廬于溪南不以不

明齋遺稿 卷二十一
毀之季而懈於執制服闕復歷司評儀賓府都事左
水運判官社稷署令丙寅陞尚衣院僉正戊辰二月
十五日卒于京第公老而不衰聰明筋力纔如半百
之人皆以謂當繼靖惠公之壽遽感微疾而終莫不
嗟悼焉越三月權窆于積城治西蒜山明季己巳冬
歸葬于坡州向陽先塋側坐亥之原公爲人安詳恭
謹其事承旨公也終日侍坐如書札酬應悉代其勞
凡事無敢自專必稟而行之至夜命之退而後退及
其主祭也益致誠敬粢盛必精潔祭器必完備家廟
晨謁不以寒暑風雨而或廢也季弟屢空每與共寢

食宰邑之日分月捧必先子女而施之尤致詳於先
世故事三世遺集不暫釋手平居無疾病則雖苦熱
未嘗廢巾襪雖僕隸必正衣冠而臨之不事交遊不
與人相較恆誦寧拙毋濫及忍之爲德之語兼以誨
飭子姓淡然於居處服食之奉而救助親舊之婚喪
必盡其心居官蒞職尤致勤謹雖微細事不委下吏
無不躬親早夜不怠於州縣撫民以誠奉神以敬如
朔望望闕謁聖之禮皆虔行無闕然見人之誇銜
才能心鄙之未嘗爲求知計以此民多追思而人鮮
知者嘗自號求全子蓋取寡過無忝之義也公初娶

漆原尹氏郡守復元之女生四男一女婦道甚備一門稱其仁孝後娶安東權氏士人晧之女生一女性行柔順視諸子女無異己出亦先公歿祔葬於長湍長者洞先塋之下後尹氏遷祔于公墓男長曰至行參奉次至敏縣令次至憲至泰女長適奉事沈楷季適士人吳遂華曰至遜至順至端側出也至行有三男四女仁錫義錫禮錫婿曰尹得莘至敏二男一女昌錫光錫至憲三男二女斗錫奎錫箕錫至泰一男一女義錫斗錫俱有一男而仁錫昌錫不幸而夭餘皆幼沈有一男世俊一女幼吳有一男泰齡拯於公

爲從表弟內常服公和厚之德而嘗屢至溪上見其重建家廟復修書室又歎其有克家之才遂爲之文以記之參奉旣免喪使義錫來請誌不容以不文辭謹最而銘之曰

儒素之家鮮克世美 恪守遺風惟我成氏 嗟公嗣重不懈于身 昭茲受福子孫振振 有寧真宅永依先麓 孝思不替徵此窳刻

姊氏墓誌

巳卯

嗚呼潘南朴君世屋叔厚之配坡平尹氏卽我姊也生稟淑德而賦命奇薄十歲而喪慈親二十三而寡

臨老又見嗣子之殞於非命悲傷哀苦以終其身嗚呼痛哉我姊氏以崇禎元季戊辰正月十日生自幼明睿絕人纔毀齒能盡記內外祖先名字稍長見諸兄弟學書從傍默識之自此披覽諸書靡不通曉年十五先君子爲擇對而歸于朴君君既有雋才高志器度夙茂而我姊氏敬慎柔正式禮無違一家咸喜以爲兩美我姊氏以早失所恃在室常銜恤及于歸又未逮事皇舅常言及以爲憾事姑尹夫人小心飭禮不以其愛悅而小懈也歲己丑朴君丁尹夫人憂哀毀疾作竟未畢制而終先君子身往救之不能

得以我姊氏性烈恐不得保既葬朴君於其金浦先塋率我姊氏以歸築一室使奉其几筵以居我姊氏自恨薄命貽感於親見先君子之人必強辟涕泣收拾朴君巾衾手蹟而襲藏之每誦其疾革時誦陶詩人生若寄憔悴有時之語而悼痛其志業之未就既服除猶以蔬素自居孝奉先君子服食之節殫竭心誠弟婦早歿受其無母兩兒而鞠育之以至於長成常曰女子有行遠父母兄弟余獨以薄命之故久在親側亦不幸中之一幸也我姊氏始生一女不育及得朴君之弟之子泰輔爲子乃曰親季漸老不忍遠

明齋遺稿卷三十一
離而未亾之人義當從子遂還于京及先君子之喪
又歸與諸弟共經三季而還秦輔幼性孝才妙我姊
氏愛且奇之慈念慙無間己出秦輔早擢第榮養
備至我姊氏自以命薄未嘗不以榮爲懼也己巳之
春寄書於弟有曰近日事如風火之飛未知落於誰
家蓋有避遠之意未及而禍作既哭秦輔私自慟曰
是吾之命也三從道絕生亦何爲竟以辛未三月廿
五日終于楊州樓院村舍嗚呼痛哉以五月廿一日
葬于水落山西麓負甲之原明年九月十九日遷朴
君金浦之墓而合窆焉秦輔之墳在其後嗚呼我姊

氏仁孝友慈明惠貞正操心檢身皆合女則謹于言
篤于行勤于家儉于身求之古賢婦人之德殆無不
備而乃不得福履之報身嬰百罹卒以禍終天乎天
乎此何理歟嗚呼痛哉拯前誌朴君之墓復泣記椁
概以附於前誌之後焉朴君之先己見於前誌不復
具而吾先君子諱宣舉先妣公州李氏成均生員諱
長白之女吾先祖考諱煌大司諫秦輔娶右議政李
厚源之女生二子皆夭只有一女以其兄持平秦維
之少子弼謨爲嗣弼謨娶參奉辛受和之女始生一
男

先考妣墓誌

先府君諱宣舉字吉甫坡平尹氏也始祖諱莘達高麗太師十五世至諱坤八本朝坡平君諡昭靖又四世至諱倬漢城左尹高祖諱先智兵馬節度使寔左尹公之子也曾祖諱暉贈左承旨祖諱昌世贈吏曹參判考諱煌大司諫妣昌寧成氏牛溪先生諱渾之女府君以萬曆三十八年庚戌五月二十八日子時生于靈光郡衙崇禎六年癸酉中生員進士兩試遊國庠丙子率諸生抗疏請斬虜使冬入江都明年丁丑國家有城下之盟自此屏居鄉曲

爲終焉計孝宗即位之二季辛卯除典設司別檢王子師傅壬辰以世子侍講院咨議召府君上疏辭不書官銜不書季號引江都臨亂不死以自咎癸巳陞六品除刑曹佐郎乙未春拜司憲府持平冬再除行至果川辭歸丙申再以司憲府掌令召丁酉再以待講院進善召戊戌正月府君詣闕下四疏陳情以辭命以土服入對府君不敢當畱疏退歸是冬又除掌令遞移成均館司業己亥三月又以進善召賜藥物時上意必欲致府君府君辭謝不敢輕進而孝宗遽已昇遐矣顯宗即位下

別諭 召拜司憲府執義府君赴哭 闕下陳疏辭
新命移掌樂院正 賜食物命入對府君辭出城除
司業尚衣院正又 命引見皆辭十月過 大葬而
歸連除執義司業乙巳 大駕幸溫陽以別諭召詣
行宮拜疏辭謝而歸又連除執義 元子講學廳僚
屬又 命監司存問賜食物 世子冊禮行又拜進
善竟不起己酉四月十八日以疾終壽僅六十計聞
上痛悼命本道給喪需及役夫 命該曹贈吏曹參
議八月二十四日葬于交河縣法興鄉月籠山西西
向之原孺人李氏先葬而耐于左孺人之先公州人

麗末有諱曄江陵府使是生諱明誠監察御史知制
誥入 本朝隱居伊川山中不仕數世至諱滌江華
府使孺人之高祖也曾祖諱慶祉 贈左承旨祖諱
鍵司導寺正考諱長白成均生員有高才美志早卒
妣坡平尹氏敦寧都正諱民逸之女孺人生於 萬
曆丁未閏六月十六日生而明粹自四五歲時舉止
端敏言語靜慎己如成人八歲生員公捐世哀慕不
懈罕發言笑朝夕祭奠必參聰悟過人女紅之事一
見輒能而無不精妙文字過耳輒不忘如小學列女
傳等書無不通覽性又明達曉義理女則甚備及歸

府君奉事尊章承接諸姒盡其誠禮常得歡心焉江都之難也聞賊兵渡江即與府君訣曰與其死於賊鋒不如早自決招婢輩託以諸幼曰須善護之死生則有命焉既處置後事令引出諸幼而後自決即丁丑正月二十三日也葬以明季戊寅二月二十七日考生員公墓同原而在其左己酉府君有贈典從贈淑夫人今上七年辛酉七月命旌表門閭府君有一女六男女適士人朴世厘男長曰拯次曰推俱以薦登仕推縣監次曰祿星生三歲死於江都曰撥拙挹側室金氏出也撥拙俱進士朴早歿繼子曰

泰輔應教拯娶左尹權認女生一女二男男曰行教生員曰忠教女適任震英推娶郡守趙進陽女生二男曰自教可教再娶士人李櫛女撥娶參議李有謙庶女生三男二女男曰健教厚教婿曰李舜相餘幼拙娶李濟女生三男敏教餘幼挹娶佐郎朴由淵庶女生三女一男皆幼曾孫男女十餘人府君天資弘毅德行純篤學傳正脉身任大義安貧守道以終其身既棄世府君之從兄龍西公諱元舉季兄石湖公諱文學相與記府君遺事刻于表陰潘南朴君世采述行狀有遺稿十卷季譜一卷藏于家 崇禎紀元

志 戊辰之後六十六季癸酉正月日不肖子拯泣血謹

炭翁先生墓誌 甲申

嗚呼此乃炭翁權先生之墓也先生諱認字思誠其先安東人文正公溥之後高祖諱博牧使曾祖諱德裕宗廟署令祖諱克寬監役贈左承旨考諱得己佐郎贈吏曹參判號晚悔以監役公兄吏曹判書諱克禮之少子為監役公後妣李氏宗室龜城都正瞻之女也先生以萬曆甲辰十二月廿五日生聰明穎悟絕異於人人以比顏子弱冠已有盛名

崇禎丙子薦拜大君師傅丁丑除活人別提庚辰又拜師傅連除宣陵參奉翊衛司副率戊子以世子侍講院咨議召皆不就己丑仁祖昇遐孝宗嗣位下別諭召之先生奔哭於闕門外再疏陳情而歸尋陞拜工曹佐郎遂赴因山謝恩又陳疏獻言而歸連除刑曹工曹佐郎慶尚都事丙申以待講院進善召再疏辭不許促召愈勤遂詣闕乞免上引見慰諭畱數日出城上以別諭追之不獲己還入除司宰僉正謝病歸既歸再除掌令丁酉再除執義移進善勤召不置九月又不獲己

赴闕戊戌擢拜承旨移贊善累辭不許遂陳疏出城上遣禮官勉留且命移西樞時上體未寧先生不忍遠歸滯寓畿邑己亥春又命特召又以贊善召先生累疏辭謝因南歸五月兼孝廟昇遐顯宗嗣位下旨召七月赴闕因山後拜兵曹參知三辭不許冬特拜漢城府右尹庚子正月兼同知義禁府事未幾上疏言事忤時議三司交章請罷先生職上始未之許有入對力斥者始允先生歸至廣州先壠止焉越九季戊申同春宋公造朝言於上曰某愛君憂國老而彌篤不可終棄遂復拜左

尹再呈病狀而遞己酉還公州舊莊壬子正月二十四日無疾而終訃聞上謂侍臣曰聞某死溪用驚悼先朝禮遇之臣不可無隱卒之典其特贈正一品職於是贈議政府左參贊遣禮官致祭先生少學於家庭晚悔翁常言學問之道無他只心要無一毫虛偽事要求一箇是而已稍長從潛冶朴先生遊朴先生禮必以本實爲貴道必自孝悌而推是以先生之學專用心於內從真實地著工夫自一身一心一言一行必講究其當然之理必求得吾心之所安既得吾心之所安則沛然行去毀譽榮辱無所動於

明齋遺稿 卷三十一
其中由是晚年所造心與理會本末相應表裏如一
無掣肘矛盾之患蓋以理爲主以誠爲本而卒以是
成德焉遭遇 孝廟十年之間或進或退其被對及
章疏雖片言單辭直出衷曲無所苟飾 孝廟亦以
誠意相孚嘗 批諭曰予既知爾而傾心矣先生自
以曠世 恩遇不可以坐孤 恩命故不得不進既
進則以賓師之禮有過己分而吾志亦有未能盡行
者又不得不退然戀 君報國之誠不能自己乞免
求退之章未嘗不進言眷眷乎興衰復讎之志祈天
永命之術至於去私意開言路收民心任人材省刑

罰薄稅斂善民俗節財用講農訓戎之政靡言不盡
孝廟久益信嚮最後 批旨有曰噫以爾之忠厚篤
實而不出爲世用則其他何足言哉 顯廟自在春
宮書筵進講所言皆悅納及嗣服尤加眷注雖以庚
子一疏與時議不合退歸而 上意終不能忘至於
卒逝後追錫 恩典實出 宸衷嗚呼此先生行己
事君之大略也如居家固窮一節終始不渝處朋友
一以道義未嘗苟同待人接物物我無間曾次洞然
雖小事細行無非實德之所形有非言語之所能盡
者百世之下亦必有聞風而興起者矣貞夫人咸陽

朴氏工曹正郎諱知警之女溫惠恭儉配德無違亦以甲辰某月某日生公歿之歲四月廿日繼卒二男三女男長愷大司諫次惟縣監女長拯之室次適校理尹義濟季適宋道顯大諫三男五女男以鐘以鏞生員以鉉婿曰金元燮大司諫次李鼎興佐郎次成益昌次鄭重元進士次李柱天翰林縣監三男以鉉以錯以鎮修撰婿曰李寧錫側室子曰以鏐拯二男行教郡守忠教一女任震英尹義濟三女宋震龍李漢齊李柱宇宋道顯二男儒洙儒湜內外曾孫男女不能盡載先生始葬於普文山沙汀村丁向之原以

庚辰十一月某日移窆焉即公州儒城縣川內面炭坊村舊居後麓坤向之原也夫人耐于左始葬也墓誌不具諸孫等今始圖之而俾拯記之拯昔與大諫兄弟謹述先生行狀矣謹敘世系歷官子姓如式而略撮德學出處稷槩俾納于幽堂云

成均進士 贈吏曹參判鄭公墓誌銘

故進士延日鄭公諱尚徵字元甫圃隱文忠公之十世孫也曾祖諱龜應社稷參奉 贈左贊成祖諱謹承文博士 贈領議政考諱維城議政府右議政以忠蓋清慎相 孝顯兩朝爲賢輔妣貞敬夫人全州

李氏監役久涵之女承旨鐵之孫公生于 崇禎己巳八月廿五日有至性醇行二十四登上庠明季癸巳九月十三日病歿人莫不痛惜焉蓋公孝悌慈厚天稟特殊在家庭愛敬愉婉無一不適於父母之心者議政公嘗邁疾幾殆公叩頭籲天號泣請代感動傍人在親戚急人之急如飢渴中表莫不誦義幼能好學不煩教督至小學書尤心會而淡喜之議政公按諸藩公每從行常侍凡案外人不得見面凡諸玩好之物無所經意其淡素雅飭又如此噫公生於世德之家蔚然方以文行稱秀而乃早歿無年不得大

有成就其命也夫後以子齊泰貴 贈吏曹參判配韓山李氏從 贈貞夫人夫人牧隱文靖公之後其祖曰吏曹判書忠貞公諱顯英其考曰禮曹判書諱基祚其妣曰貞敬夫人高靈申氏晚退先生應祭之女以庚午正月八日生莊正明達有女士行申夫人實有賢德高範夫人克類焉少讀書史通大義察理處事見識出人考判書公每恨不得爲丈夫子也然性淵塞不以自有操履言動一惟古女訓是式及喪所天終身哀素如一日辛勤育諸孤而教之甚肅事必以規矩曰吾終不以禽息畜兒以遺其先人羞

也內外家世清儉不免貧窶夫人克勤紆績以供祀
持家而於世俗浮華之習不正之道截如也後公四
十一季以甲戌正月三十日終于男二人女一人男
長齊斗以學行薦為京畿都事次即齊泰由吏曹郎
擢守廣州府尹女適閔鎮周平安觀察使都事男曰
厚一女曰李徵成府尹四男長健一三女長尹淳餘
幼觀察二男承洙景洙公葬于江華府鎮江山西麓
鶴峴丑坐之原西望議政公之墓百步而遙夫人初
葬安山今將遷附于公墓之左都事遺厚一以家狀
來曰不肖生五歲而先人棄背丘木已拱而幽堂之

誌闕焉先人實以弱季異質敦行好學而不幸早世
志業未有達焉願得一言以徼不朽其辭甚哀拯於
議政公有辱知之感於公亦少嘗一識而重以奕世
戚故情義有不敢辭者遂最而序之而係以銘願此
衰陋病昏言而無文無以闡幽而傳遠以副孝嗣之
意是可媿也已銘曰

圃牧之裔兩美成匹 宜福而闕神不可詰 幸哉
二子克立其身 或出或處為國之珍 從以祚胤
其至如川 數短慶長孰云匪天 百世同室孔安
且吉 我篆斯石孝思是述

忠義衛南公墓誌銘

清河縣監南君啓夏請銘其考墓又以其祖考忠義公幽誌來託曰吾祖考不顯於世子鄉人也知吾家事敢重以請辭不獲謹按南氏之先宜寧人也公諱懋字明叔開國功臣忠景公諱在之八世孫而左議政忠簡公諱智之六世孫也高祖諱愷忠佐衛副司果 贈兵曹判書曾祖諱致勗僉知中樞 贈兵曹參判祖諱彥純承政院左承旨考諱楫漢城府判官妣密陽朴氏直長貴元之女也公生於 萬曆甲戌閏十二月廿五日卒於庚寅二月廿六日享季七十

有七配清州韓氏副護軍應夢之女以癸酉六月廿九日生甲子六月二日終合葬於尼山縣南豆寺村庚向之原有二子曰文星武星三女婿曰參奉李峻成宣傳官金自久宗室綾峯君備文星有三男曰明夏以夏啓夏武星登武科 崇禎丙子從軍死國事贈判官有子曰重夏亦武科萬戶內外曾玄近百人不盡載公生長京師既失怙恃爲近贅家始卜居於尼山平生不出戶庭無意名利之場逍遙自適以終老然居家整肅有法度性嚴疾惡人自憚之光海昏朝時韓纘男家在隣常曰欲往下村而南某之眼睛

可畏云公流落鄉曲仍世不振今原任領議政南公
九萬即公之族孫也任啓夏入仕復世其祿而曾玄
以下多且才又有顯者此可以徵公之餘慶也銘曰
功宗世胄丘壑閒情 有壽有後簪組何榮 追遠
式禮孝孫之誠 我筆雖質維以表瑩

豐德府使李公墓誌銘

公諱迪吉字惠而姓李氏其先咸平人自麗代已顯
入我 朝有諱從生佐 世祖策敵愾勳封咸城君
諡莊襄公之七代祖也高祖諱允實縣監 贈領議
政曾祖諱璘監察祖諱應星郡守 贈左贊成考諱

滾府使 贈戶曹判書妣驪興閔氏晉州姜氏姜氏
贈參判晉昭之女公以 崇禎壬申正月廿二日生
幼穎異判書公鍾愛不課以學一日舅氏觀察公來
見誨責之公時季十三即奮然負笈就傳未幾文辭
通達大被先輩稱賞庚子中司馬前後累舉竟不第
入歎其數奇壬子筮仕由齋郎歷濟用監 宗廟署
奉事轉尚瑞院直長丙辰冬自 上親政久廢粹行
在庭多失措公入侍周旋中節諸宰咸稱其敏是日
陞內資寺主簿遷義禁府經歷補平澤縣監值旱饑
賑恤不懈監司聞有別備穀多問其數公曰以私備

明齋遺稿 卷三十一
蒙賞實士夫恥也終不應尋罷歸又歷司饗院主簿
義禁府經歷刑曹佐郎庚申出爲礪山郡守三載以
病辭遞民惜去老幼至於攔道號呼壬戌爲榮川郡
守被臺評而無事實榮之士民爲之陳章伸辨旋除
工曹正郎丙寅又爲高城郡守愛士恤民修毀祛弊
洎秩滿一境治安繡衣與方伯書考俱有最一道之
稱 命賜帛以褒之壬申爲朔寧郡守遞爲 宗廟
署令甲戌陞豐德府使乙亥二月十九日卒于官四
月葬于麻田治東豐石山午向之原公天稟樂易對
人披露情悃無賢愚皆得其歡心自幼篤於孝友母

夫人臨終時思嘗生梨而不得終身不食梨連丁內
外憂致毀成疾六季衰麻哀慕如一日遇宗黨知舊
皆有恩意一家之婚嫁死喪顧念救助無所惜歲庚
戌公與儕友言曰天時將大荒豈可安坐無策乎遂
鳩財糴穀得累十斛及明年辛亥果餓莩載路公乃
以所預備者分濟窮族賴以得活者多人謂其周急
之惠固無媿古人而知時之明辦事之才又可服也
至於買置祭田以贍宗家除世俗輪祭之謬王父以
上數代墓道皆伐石樹表刊姓譜以頒同宗皆捐捧
經理出於至誠此尤人之所難及也又持身謹慎聲

日齋遺稿 卷三十一
色戲玩之具不近於前其爲邑專以慈惠未嘗以鞭
箠督責爲先故所歷皆有遺愛高城朔寧之民立石
追慕及公之喪也兩邑皆委致賻奠此蓋公之本末
也淑人咸陽呂氏府使爾亮之女婦德淑婉家政寬
和生後公一年歿先公五年葬與公同原而異室有
三男四女男曰楸權樞權以公命出後其叔父縣令
井吉女婿曰徐宗一趙最壽申濟沈逸賢側室一女
幼楸正郎三男曰希稷一女金命奎權一男一女樞
一男皆幼拯之祖母成夫人即公外祖姜公之姨姊
而公舅觀察諱裕後清操絕俗吾先子甚愛敬之拯

又與公之弟師吉自少同處而伯仲兩胤嘗先後來
遊以此公之昆弟情義與同堂之親無異胤子以公
墓誌相託余年老衰甚神思枯落已廢文字事久矣
顧不忍終辭謹最其狀而繼以銘曰

和厚之德惠慎之政 官宜更進壽當遐竟 乃止
於斯豈云匪命 尚留餘祿後人是慶

趙秀才命祐墓誌

豐壤趙君命祐字汝受浦渚先生文孝公之曾孫也
祖曰縣監諱夢陽考曰縣令諱持綱母曰光州金氏
參奉坤遠之女君以 崇禎紀元之後三十二年己

明齋遺稿卷三十一
亥八月生有高才遠志不幸年二十三而歿於辛酉十一月廿一日知君者莫不痛惜焉蓋君自幼仁心藹然見疲癯行乞者必請於長者而施與之嘗著新衣而出隣兒之同遊者懸鵲呼寒即解與之嘗與羣兒戲一兒以瓦礫傷君額血流被面長者大驚將責其兒君曰此偶然非有意也此皆七八歲時事也九歲一姊病在家父母出避君嘗潛往省視如庾袞之不畏甫踰十歲遭一姊喪哭泣食素有如成人從祖松谷公撫之曰承我先烈者必此兒也十九丁縣令公憂執制致哀時當隆寒不離柩側迫於母命夜或

入廬次而聞雞即出既葬猶啜粥終歲或薦時新之物則輒悲泣不自勝文孝公實有至性與古所記高臯少連之行無異人謂君類之其質美如此聰悟絕人始授書已能吐詞驚人稍長博通經史諸子如易範之奧無不用功弱冠三占解額而猶不屑於時俗科曰曰得失當付之於天豈可屈吾志變吾文以媚有司之目哉早有志於聖賢之學平居晨起謁家廟次省慈闈然後退處書室終日危坐讀誦不輟凡世間一切營爲不入於心庸俗苟且之事唾鄙如泥滓其才高而志遠如此嗚呼以君作人之如許而乃不

得季不能充其量大有所就以承文孝公之業奄然
齋志以入地可哀也哉且以文孝公盛德而子孫多
賢而短命人益以爲嗟傷焉君娶延安李氏應教有
相之女無子君之從叔父牧使公以君爲奉文孝公
之祀也以其長子命徽之子漢瑞爲君之嗣歲在庚
申君新免喪而來訪余余愛其清粹而又以氣羸未
復憂之未幾而聞其逝悼惜之心至今不能忘君葬
于新昌縣某山先壠之下某向之原吾從姪智教君
之姊婿也狀君事甚詳請余文表其墓余以老病久
未泚筆而李氏使漢瑞來請又繼以書其辭允哀遂

最其狀而爲之銘曰

賢愚稟耶脩短命耶 抑主宰賢愚脩短之豐嗇者
或各操其柄耶 噫此乃慕齋金公之哀曹守元者
吾於君而亦云也

貞敬夫人朴氏墓誌銘

故右議政醒齋申公之配曰咸陽朴氏封貞敬夫人
曾祖黎獻司饗院直長祖忠生濟用監判官考徹大
丘都護府使妣全州李氏縣監德溥之女也夫人以
崇禎辛未十二月二十四日生自幼端莊貞靜孝順
天成卅三失所恃哀慕如成人府使公擇對歸于申

明齋遺稿卷三十一
公公即湖隱公之子晚退先生之孫家法謹嚴公性
又簡重動遵繩墨夫人至則事君子致其禮敬事舅
姑竭其誠孝處姊妹娣姒之間盡其友愛夫黨無不
嘖嘖稱賢婦外王考知樞公至別給臧獲以表嘉悅
之意平居手執女紅非病不廢廉於財利一介無所
苟取公之佐北幕也淡以子女穉弱爲憂及歸見家
政不素淡加敬歎焉尤謹於祭祀嘗語諸子曰爲人
子者若不盡心於追遠之禮終天之痛何處可伸每
有祀事饌品必精器皿必潔既具則列卓監視然後
就寢素性不喜華靡每當晬日子孫或以錦衣饌饌

進則輒有不樂之色而至於君子所御則裁縫極其
精緻食飲極其調適姪女之失怙無依者資其糶奩
以嫁之敦睦親族饋恤寒窮一承君子之意無不稱
愜嘗以未及逮養私親爲至痛忌日必具需助祭其
遷厝之日棺殮諸具靡不畢備伯兄懸監公僑居湖
鄉每以衰季睽離爲恨思戀問遺軫其送終之物思
意篤至聞者感歎公三按藩方一典雄府處銓地秉
鼎軸也夫人嚴杜私徑無敢鑽刺者夙嬰疹疾安日
常少而家內僮指分職授事無敢懈惰雖在沉綿牀
簣之中遠近有求丐者輒必一一齋封以送之公在

明齋遺稿 卷三十一
北幕有所眄者嘗一至京而不敢直來謁見夫人聞之使人招至待以誠心及其告歸驢行以送人以為難而夫人行之裕如也丁丑七月宿患塊證復發至九月十九日而終屬續前一日命侍者取內外送終衣衾照數列錄各有封識俾無臨喪窘錯之患其不亂於死生之際又如此公哭之以文曰夫人為子而子道備矣為婦而婦道純矣宜母宜家而入道至矣知之者以為實錄越三月公繼而捐館以翌季正月三日同時發引合窆于陽川治南天神里卯向之原夫人育二男二女男長曰瀟次曰濟女長適韓世箕

縣監次適李漢宗侍直瀟有二男二女男曰義集喜集女婿曰金佑謙次幼濟先公天有一女幼韓有三男震朝恆朝頤朝李有五男二女徽敦敏餘幼義集進士一男一女喜集一男瀟來託公神道之銘又恐夫人之淑美不得悉書也請別為誌以納幽堂拯嘗亦銘夫人考府使公墓矣於其家世德善靡不詳遂謹叙其最而繼以銘銘曰
孝友至性柔正懿行 配德無違偕老同歸 生而儷美歿有餘祉 銘以著之永垂閭儀

朴士元墓誌銘

明齋遺稿 卷二十七
金玉之美松柏之特 人爲君哀我爲國盡 有生
必死同歸土阜 烈烈志氣千載不朽

後記

君之配完山李氏生後君一年年十五歸于君合
卷之初君戒以善事孀親爲婦之道此爲大節即
敬諾如教終身志物之養允蹈無違己巳變故後
繼遭姑喪窮居奉祭祀以誠以禮既卒喪處身無
異喪中遇夫黨內外親族一如君在時蓋所謂女
而有士行者非獨君之身教然也甲戌君 贈吏
曹判書從封貞夫人以辛卯五月十三日終祔葬

于君墓之左甲戌以後 朝命月賜米豆其終也
又命賜葬需愍忠優典也女長而適士人李德海
弼謨娶正郎辛受和女生男女皆幼蒙 朝廷錄
君嗣補齋郎轉奉事始余爲君墓表君之從子弼
基等請添數句爲銘仍以爲誌遂爲之銘而略述
夫人事行生歿及子女嫁娶不載於原文者爲後
記以附於其下云

明村羅公墓誌銘

嗚呼自吾先君子愠于懷川之後慨然以明是非辨
邪正衛吾道之正開世俗之惑爲己任上告下諭勤

明齋遺稿卷三十一
勤懇懇以至歿身而後已者明村先生羅公其人也
公諱良佐字顯道其先安定人祖諱萬甲號鷗浦以
直節爲仁祖朝名臣金文正尚憲銘其墓家世德
義載焉考諱星斗世稱有先公之風官至海州牧使
妣慶州金氏判書南重之女公以崇禎戊寅二月
十七日生氣質嚴重自幼已如成人牧使公爲尼山
宰命公受業于先君子公時甫弱冠矣勤謹篤實終
日危坐先君子淡異之期以遠大自是棄舉子業專
心爲己之學其學以忠信爲主操心檢身循蹈規矩
未嘗一時放過讀書從四子至程朱書到老有程課

未嘗泛觀諸家不屑於文辭不驚於虛遠卒以是成
德焉孝友有至性平居奉養極其愛敬喪致其哀祭
致其誠與弟碩佐仲輔怡怡切切未嘗暫離事寡居
叔母如事母其篤行多過人者歲己巳姊婿金公壽
恆妹婿李君師命俱罹極禍公既收李君之喪又單
騎馳千里訣別金公於謫所遂護其孤寡而歸急難
之義尤人所難及也聞者無不感歎焉同春宋先生
嘗薦公行誼季踰強仕始除禧陵參奉童蒙教官
超敘六品除尚衣主簿皆不就癸亥除平康縣監以
大夫入季高爲優養勉赴未幾見時事漸乖棄歸丁

卯上疏辨懷川之誣竄寧邊明年宥還乙亥以後連
拜工曹佐郎忠清都事宗親府典簿朔寧郡守皆不
就至丙戌始拜司憲府掌令公年已六十九歲矣引
丁卯事陳情以辭再疏而遞庚寅二月再除 召命
下而公已疾革矣此其前後歷官也是歲二月七日
終于明村里第壽七十三以四月十五日葬于楊州
牛眠山西坐之原配延安金氏某官天錫之女先卒
遷而耐于左有二女而無男子取仲輔之子演爲嗣
長女婿曰尹可教吾弟推之子也不幸短命有繼子
東浚一女適金時濟次女婿曰鄭壽期側室二男曰

濟沉二女婿曰尹心教南鶴清嗚呼公爲國之忠出
於至誠雖在布衣心未嘗不在王室每當朝家有得
失輒爲之憂喜丁卯抗疏非但爲師實欲爲國家闢
邪說之說救朋誣之禍以正人心而扶國脉也其後
每謂使世道至此者不在於他而世莫之悟居常憤
嫉殆若私讎以爲百載之後當知我心也嗚呼公與
拯兄弟自少至老情義如骨肉諸孤託以墓文老病
昏耗末由盡公之平生是可媿也銘曰
非智無以辨之不差非仁無以守之不夫非勇無以
獨立不懼 何以有之一誠而已何以誠之不欺而

印齋遺稿 卷三十一
已 鬼神在旁百世可俟 以茲銘公庶幾無媿

孫女宋氏婦墓誌

嗚呼吾孫女士人壺山宋翼輔之妻而觀察使宋公
貞夫人金海金氏其舅姑也其父曰坡平尹行教其
母恩津宋氏其生以丁卯十月廿五日而其死以癸
巳二月廿六日其氣質清淑其外雅潔而其中貞一
其行孝謹慈良而且有志操見識女子之難得者也
獨惜乎福薄而命短年僅二十七無子而天哀哉病
久不能食元氣暴虛兩日之間遂不可救病革其母
執手而泣乃言曰吾平生不見悲苦之事短命而死

何傷也了無怛化之色有似達士之言但以不得覿
見舅姑爲臨絕之至恨哀哉其舅觀察公適春巡右
道聞其死馳歸哭之見其就木旣而謂余曰婦自歸
吾家動止率循禮法王母暨嚴慈在堂亟稱愛之親
黨亦咸以得賢婦相賀事舅姑肅恭誠孝十季如一
日清羸善病舅姑就視則雖甚憊憒輒蹶然起整理
衣裳不敢見情容少愈卽櫛頰晨昏省視舅姑或使
之尸事則洞屬如執玉遇享祀執爨俎甚謹處夫之
姊妹間盡其歡愛凡箱篋中物見人欲得之卽與之
無吝色自初至今未嘗有一毫非儀閭內無間言其

明齋遺稿卷三十一
志行之美雖有識之君子殆不及矣顧其生草草誰
復知之願爲數行文字以掩其壙再三言之其祖舅
參議公又以書來言私門不幸失此賢婦悼傷之意
溢於辭表嗚呼兩世尊人之愛念於終始者至於如
此是女也平日其庶乎不愆於禮也夫遂謹次其語
以爲之誌嗚呼哀哉其夫挈其柩歸葬於永平縣金
柱山先塋之下是季四月十二日也其祖西峯老人
含淚而記

墓碣銘

大丘府使朴公墓碣銘

尼山之爲縣久矣自傳聞之世以後咸陽朴公之治
爲稱首焉蓋其持己也廉故威行焉愛民也誠故惠
實焉秉心也剛故私不撓使人也義故俗不偷公之
去縣今五十餘季而村氓婦孺皆能誦公名公之胤
子和順丈屬公墓道文字拯以不習於文不敢承再
命又辭旣而使其子鈔奉公家狀以委之竊惟念拯
尼民也實食公之德非但事契之舊厚而已又長者
三有命義不敢終辭遂按狀爲叙而謹爲之銘公諱
徹字亨遠高麗禮部尚書善之後也高祖永昌參靖
國勳封天嶺君曾祖瑜成均館典籍 贈禮曹參判

祖黎獻司饗院直長考忠生濟用監判官 贈戶曹
參判妣忠州池氏別提世涵之女公以 萬曆乙酉
九月癸巳生少受學於朴南郭東說中丙午司馬時
當光海昏朝公之姊婿有顯用者勸公從己誘脅以
利害公責拒之捲家歸鄉以自絕 仁祖初筮仕爲
義禁府都事丁卯扈 駕入江都朝廷將拿問海西
閩帥之棄城者而賊鋒充斥金吾郎皆憚行公出班
自請諸公莫不歎賞由內資直長陞通禮院引儀遷
司憲府監察分臺各司吏胥肅然判戶部者聞公能
辟爲佐郎出納嚴明奸蠹無所容除漣川縣監不果

赴旋除新昌隱田盡覈民役大減以公格遞癸酉由
廣興主簿得尼山時有量田之舉公躬履原隰等第
以實邑多堤堰廢而不修民多竊耕其中公爲之一
浚滌之曰私惠小怨不足顧也既又爲之蓄洩之法
以授之至今民罕病於旱其出令於民也明與之
期而信以行之凡租賦皆一徵而畢遂以成俗今尚
然每季蠲春俸以與民而官用亦裕其餘惠政不能
悉書爲繡衣褒啓一受表裏之 賜丙子之難終不
離境策應軍興及瓜而代也民攀轅不能得相與立
石篆之至今思詠之不衰己卯復爲戶曹佐郎忤長

明齋遺稿卷三十一
官移病去已除石城不赴除稷山以事觸賊臣器遠
棄歸居數歲復典牲主簿移宗親府典簿甲申拜金
山郡守嶺俗土豪武斷徭賦不均公痛革弊習督其
稽逋以應民役三年而猶有餘殘民大悅而大戶多
怨爲御史所誣罷己丑拜司僕僉正外殿有名駒有
勳宰擅自牽去公治主吏勒還之人以爲難慎齋金
文敬公秉銓曰朴某曾於縣邑有異效今雖老可使
治劇拜公大丘府使土風視金山而有甚焉公亦以
治金者治之竟爲土豪所動投紱而歸癸巳沈相之
源白公治行除載寧郡守公既再扈於嶺外且季老

厭吏役顧有所嫌黽勉赴官西路專以迎送北使爲
事吏緣剝民罔有紀極公躬自區處民氣以蘇郡有
內司奴婢其數近千每刷官至則託以修整文案畱
連侵漁必飽其慾而去公淡知其弊預爲之簿錄刷
官至即日點付使無可託以畱者頌聲載路郡境古
有栗谷先生祠院廢於兵燹公爲之出財力勸士子
修之明季引季棄歸公前自稷山歸也構數椽於水
原龍城之北扁之曰棄窩至是治庭階植花卉逍遙
自適有歸樂之趣丙申十月七日終于家公爲人剛
果有智慮平居不喜諧謔終日欽欽未嘗有寬縱之

明齋遺稿卷十一
容當事不肯弛置必究終始居家節儉葺屋草坐處
之晏如居官不用公物不營家事家人食無兼味聽
訟決獄明生於公所在有大訟監司必以委公然公
不事表襮不苟去就故歷職內外鮮能久安唯於尼
得滿秩焉公亦晚季思治尼人云公有孝友至性常
以幼季失恃爲至痛事先君必有甘旨生朝則稱觴
舞彩極其娛悅親歿之後不服華美季高病甚猶不
廢諱日澣素若有故不得詣宗祠則必設紙榻以祭
之從母寡居公具寒煖衣衾伴人起居以爲例暨送
終諸具靡不備事伯氏如嚴父至於子女婚嫁一從

伯氏可否宗黨知舊之嫁娶喪葬必極力圖濟教子
弟務在誠實接朋友常以信義雅性尤澹泊於財利
世徒見公吏治之絕人而不知其所以爲之本者又
如此也臨終自爲喪祭之規爲書遺子孫曰祭依國
制止於三代饌品儀節一依擊蒙要訣行之柩中勿
用片錦以相累也却藥不進曰七十二季非不足也
啓手足以示怡然如就寢蓋亦有定力焉公始葬于
所居之南青龍里歲甲子十月癸卯改葬于湖西之
青陽縣南燕子時下酉向之原二叔人楊州趙氏全
州李氏從而遷焉同兆異塋用品字之制趙氏昭敏

公存性之女生一女而卒女適別坐奇震慶李氏縣
監德溥之女柔嘉淑哲在家善於內治在邑不干外
事亦先公十三季卒壽五十三舉三男四女男長成
阜即和順公累宰邑以清慎著次崇阜方爲直長女
適參奉李碩茂次適申翼相前吏曹佐郎一男二女
天側室子二曰吉阜時阜和順有五男長曰銑賢而
才早登上庠仕爲主簿而不幸早歿次曰鉉鏞鏞
直長有三男二女男曰鏞鏞曾孫男女及外生多
不盡載銘曰

親民之官莫如令長

其職雖卑可以觀政

嗟惟

朴公古之遺愛 化成一同名流百載 鄙彼高位
無德與能 生而尸祿沒無可稱 公志則剛公行
則修 惟其本立是以仕優 不齊用小聖人所惜
我誦此語請刻墓石

鍾城府使苔川金公墓碣銘

湖南古稱人材府庫文章風節之士往往有名當世
如苔川金公亦近世之傑然者也公諱地粹字去非
苔川其號也生而異凡風骨秀爽學語卽知讀書九
歲同羣兒浴于前溪溪臨官路適有一達官過溪橋
羣兒皆奔避公獨凝然不動官異之載以入城命題

賦詩仍饋珍羞公不之食官問其故對曰家有老母不忍獨享厚味也官大稱賞令邑宰特送養親之需其夙悟如此白麓辛公慶晉於公爲尊屬也憐公少孤而奇公才欲獎成其學攜至都下甫成童聲譽出流輩上屢魁鄉解及擢第當光海昏朝爲孽臣所忤擯隸校書館未幾廢 母之論起公獻議立異竄配富寧 仁祖癸亥校理沈光世白于 上請陞六品以褒之歷禮兵二曹郎丙寅以書狀赴京時清陰金文正公爲上使過西京見公題浮碧樓有天孫麟馬之句亟許以騷壇宗匠沿路酬唱彙爲巨編扁曰朝

天錄中朝學士李康先閣老張延登各爲之敘引大爲華人所敬慕焉時建虜東搶本國公與清陰公上書兵部請出奇兵直擣虜穴以紓國難及歸至車牛島遇颶風公操文誓海神有船中如有華物天必鑑臨之語俄而風止得無事其清慎律已可見也入憲府爲持平掌令有風稜春坊爲文學弼善輔德善於講說戊辰爲鍾城府使陞通政階無何遞歸田里公時已有退休意不復求進小築天台山下日以琴書自娛丙丁以後尤絕意世路語及國事爲之憤慨涕沲竟以是成疾而卒己卯五月十八日也壽僅五十

明齋遺稿卷三十一
有五葬于古阜治東優德里先兆下庚向之原公爲
人外文雅而內有淳行事偏親孝家廟在別所朔望
參謁不廢寒暑兄弟異居遞日來往得一美味必走
僮分嘗隣族之貧者常斥己有以賑之御家以禮不
營產業平生未嘗有鄙俗言終日端坐讀書人不見
惰容鄉里有請業者教誨不倦待人接物一以溫柔
然見人不善若將浼焉每以判別義利爲第一義爲
詩文標致清灑才思逸發論者以爲有盛唐風有若
千卷藏于家公之先義城人遠祖龍庇仕高麗官至
金紫光祿大夫封義城君有功德於民至今祀于社

其後有居翼右議政潛直提學運秋司諫三世以清
白顯司諫之子曰諱傳顯卽公之高祖也曾祖諱顯
皆不仕祖諱齊閔號鰲峯一齋李先生門人也有醇
德登第官止禮曹正郎考諱曙早世以公參原從功
贈兵曹參判妣貞夫人靈光丁氏承議郎希閔之女
公娶昌原黃氏監察大衍之女封淑夫人生三男一
女男長曰良器有幹局未試而歿士林惜之生三子
二女曰麟孫龜孫鶴孫士人洪順元一幼次曰次器
生一男一女成孫士人權效聖季曰又器清介有志
操晦約以終生二男皆幼女婿曰注書朴思遐生二

男曰晶森長君叙次公遺事託拯以銘其墓拯辭以
不文請改求鴻筆未及見其答而遽聞以病不起麟
孫龜孫既免喪又以其父之遺意來申前命今則無
所於辭又哀逝者之不可作遂忘其陋而為之銘銘
曰

有斐金公挺生南服 咀英吐葩早播其馥 釋褐
丁昏抗言投荒 聖朝維新賢路始長 觀風上國
延譽中華 玉佩瓊琚光我邦家 官到緋銀宦情
已倦 未老身閒古人所羨 天台之下有水有丘
一室靜散聊以優游 天地翻覆江湖感慨 脩

然遠逝蟬蛻塵界 林林衆生起滅如漚 唯有文
章炳烺長留 今其去矣誰嗣其興 我述銘辭以
勗後承

明齋先生遺稿卷之三十七

明齋先生遺稿卷之三十八

墓碣銘

司憲府掌令 贈吏曹參議治谷先生趙公墓

碣銘

治谷先生趙公諱克善字有諸潛治朴先生浦渚趙先生之門人也公幼有遠志始讀小學見嘉言善行慨然有感發於心又讀家禮曰學而不習禮則日用之間不知所措不可不先從事於斯也初從潛窩李公命俊學得見朱子書大耽樂之手抄口誦盡焚其平日所做程文曰人中天地而立却將第一等讓與

明齋遺稿 卷三十一
別人甘心自處於下流良足羞矣李公勸令見二先生且爲之紹介蓋二先生作於牛粟之後以道學自任潛治篤信先賢浦渚多務自得而其學皆以孝悌爲本踐履爲主真實無僞爲宗學者多歸之二先生見公皆愛重焉潛治首取近思錄示之曰此乃四書之階梯也遂盡告以淵源之學浦渚則曰學者當以孔孟爲法古今未有力學而不成者又曰仰不愧俯不忤是功效也須當以無自欺爲先公一依其說尊信服習卒以是成德焉 仁祖初選學行士公以薦調童蒙教官一以小學之道教諸生躬親先之有古

師弟子風陞宗簿寺主簿己拜工曹佐郎有不樂意棄歸歷翊衛司司禦翊衛戶曹正郎軍器寺僉正泗川郡守則爲 崇禎丙子時朝廷新絕虜和令州縣召募忠義公言于按使曰欲得民之死力必先有以感動之請減再徵之稅罷管餉魚鹽之害以悅民心又修鍊兵器區畫纖悉兵使宋英望見之歎服曰誠者萬事之原豈不信然哉及寇至上八南漢山城公時已罷郡家居匹馬奔問至天安不得進歸奉老親避兵於海島及聞有城下之盟憤泣廢食者累日尋丁外憂服闋仍斂迹不出連除淳昌郡守刑曹正

郎及司禦皆不就戊子拜溫陽郡守浦渚勸之出曰
高潔固好世所指名沉於下位用行捨藏不亦可乎
公乃拜命 孝宗卽位浦渚爲相薦公經學宜爲太
學之師卽拜成均司業公辭謝不就復除江華府經
廡淳昌益山郡守工曹正郎或就或否丁酉七月以
司憲府持平 召尋又以掌令 召公以 君召再
至不敢不赴入城謝恩 上卽引見優殿迎謂曰望
之久矣今幸相見深用喜悅勞問甚至及退 命有
司給食物俄 命以本職出入經席會有冬雷之變
公上疏極言修省之道 上嘉納公雖感激殊遇黽

勉一出而禮士隆渥謙不敢當母於前席陳懇乞免
已而遞授繕工監僉正或謂公曰亦將去乎公曰幸
得閒局隨分支吾徐當有以處之吾豈屑屑然昨遞
而今去耶供職唯謹歲時又有米饌柴炭之 賜公
上疏辭兼獻箴規明年戊戌正月復拜掌令再 命
牌招不得已出肅遽中風疾於闕下 命禁中衛士
以肩輿歸卽越二日庚辰竟卒 上驚悼謂筵臣曰
山野之人強使赴闕有若由予而死予甚痛惜蓋始
聞公病卽 召入直御醫扶入政院救護特 賜毛
衣一襲覆體 命取用內局藥物勿待啓下計聞

命官庀喪衣衾棺槨諸需悉備 御筆別賜文錦玄纁又 命沿路護柩給造墓役夫皆曠世異典也嗚呼公令名早著然而平生謙退自守晚際 聖明知遇方淡而遽不淑壽僅六十有四卒不能盡展所學有識莫不悼惜焉公有至行純性其事父母自兒時己能承順無違凡齒髮爪甲皆收藏曰父母遺體也十二歲丁母夫人憂每雨雪輒至墓所掃除塋域夏潦亦冒雨周省每見人具慶者爲之感然至讀孟子三樂章未嘗不流涕事考迪順公竭誠奉養志物俱備或宦遊京師思慕如嬰兒遇正至晨興炷香望鄉

再拜以紆思親念慕之誠迪順公七袞嬰風疾坐臥須人者五載公色憂服勤受鍼必先試便溲所汚手自浣濯嘗猝劇割指進血得甦迪順公病廢食而猶嗜膾公躬漁釣以供之未嘗乏絕比歿不復食膾居喪哀戚踰禮既卒哭猶水和糲飯而啜之不如菜醬將祭終夜不寐祭後不脫冠帶以終日因戒子弟曰祭先纔畢便自怠惰甚無餘敬也若有故不得與祭候其行事必衣服冠而坐雖暫時遷次必奉主移安不使一日無人於廟旁事庶母亦致愛敬遇姊妹夫無異同氣妹寡而貧教育其孤使之昏嫁以時訓子

嚴正必以勤謹忠信於宗族鄉閭不遺踈賤慶弔賙恤咸盡其情鄉中人有瞽闔者公寓其里忽變作和平人謂以感化之也潛窩及二先生之喪皆心喪暮季夫人忌辰亦爲之行素後又上疏言李公清白得蒙褒錄 國忌亾論遠近家食亦不肉 仁祖昇遐公時在溫陽啜粥寢苦朝夕哀臨一如親喪一邑爲之市不沽酒野無農歌每有 恩賜輒行拜受之禮其係上供之物必冠帶祇送於大門外入國不敢中道而行以避輦路居家未明而起竟日無倦怠之容發言制行尤謹於獨知之地安於貧窶未嘗有求於

人或有饋遺毫髮不慊則若將浼己居官簡薄嘗以孟子得志不爲之訓自厲外舅崔公家業稍溫一子先歿無嗣欲以後事託於公子公固拒勸取姓族爲後雅不喜聲色少時旅宦獨處者十餘年及喪耦不復卜妾平生未嘗以禍福得喪置忻感皆隨遇順受嘗誦范文正先憂後樂之語曰其用心如是豈不誠大丈夫哉區區以一己得失爲憂樂者陋矣至如陰陽卜祝方術之類一切絕於言議唯家間或有災異則輒爲之反己自省貶衣減食曰災異之作天所以譴告於人者理當恐懼修省豈以家國而有異乎其

明齋遺稿 卷三十一
治郡平易近民務通下情不姑息以要民譽不紛更而貽後弊文廟釋菜及社稷城隍等祭齋戒致潔必親行之修黌舍買書籍進諸生而躬教之遇事裁處不以權勢利害有所遷就其收賦稅使民自操斗斛事官長以敬御吏胥如奴僕僚吏交承皆有恩意所在仁心著聞久益追思之蓋公氣質之稟陽德爲多故孝悌之行始於家庭陸媻之實孚於親黨以至待人接物藹然常有慈愛惻怛之心自事親而爲事君自居家而爲居官率由是心而無所勉強其得於天者已如此而漸之以師友成之以學問由是表裏如

一幽顯不貳一言一行無非可爲後生法式者今不能悉書然觀於此亦可知其爲篤學力行之君子矣顯宗朝道臣以公孝行上聞 命旌閭鄉中章甫又疏陳公學問踐履之實孝友清白之行 命贈吏曹參議公幼時自爲日錄凡日用云爲皆書之以自省有過則輒閉戶自撻卷首書事親孝事君忠事師敬九字及見二先生作自警箴以述其志又擇經傳中修身存心之法數百條爲一冊名曰砭己要訣不去懷袖又劄記其所得於耳目心思者謂之三官記以驗窮格每覽古人言行之善者必心慕而手記之名

曰常目編或有意會爲之感涕 仁祖朝啓運宮之
喪羣臣議服制不一沙溪金文元公以爲當依爲人
後例稱以伯叔父母而服不杖朞或以爲當依君之
母非夫人之文而服緦或以爲持重大宗者當降其
小宗稱號則當以父母而服則當從不杖朞並皆以
爲羣臣無服而潛治先生獨謂當用受國於祖者爲
其父斬衰之禮服喪三季羣臣從服朞公之見與潛
治合乃著說以辨明之又有雜記二卷遺文若干卷
藏于家公之先漢陽人八代祖諱溫八我 朝策三
勳封漢川府院君諡良節高祖諱敬良曾祖諱鷗祖

諱興武考諱景璉皆不仕以門功加散階迪順公力
學不偶教授鄉里推爲巨人長者浦渚銘其墓妣公
州李氏進士致霖之女慈順孝敬甚有婦德配江華
崔氏僉知贊之女 贈淑夫人後公一年而生先公
四季卒性仁儉養舅奉祭誠敬備至勤身節用制產
有方公與庶弟同居夫人視弟之妻如同胞睦嫺黨
撫隣曲一以公之心爲心遭崔府君之喪每朔望設
位而哭踰年竟以毀終病革謂諸子曰我死澡浴必
潔葬于德山縣臺城山向乙之原公歿遂同塋而異
室焉有二男二女伯子昌漢仲晟漢俱縣監季晟漢

明齋遺稿 卷三十八
女長適參奉李光胤少適士人李垠伯一男曰栢一
女婿申洵仲七男曰棖棖桐枋桃餘及一女幼季一
男曰根三女皆幼長李六男一女弘毅都事弘著縣
監次弘緒弘祖餘皆幼少李二男信錫休錫一女幼
拯少遊炭翁權公之門翁亦潛治門人也每稱公德
行不厭其後先君子一見公如舊交申以札翰其義
固不淺矣顧拯病瘳不類竟不能遂掃門之願以爲
平生之恨縣監兄弟誤以墓碣相託重念拯學陋詞
拙不足以當此任唯幸託名于石末不敢終辭遂最
而叙之繫以銘銘曰

人之爲善只循天理 曰知曰行唯此而已 苟或
不然爲名與利 大本已失雖善亦僞 公有美質
早自植志 洎得依歸講此宗旨 匪言是出允蹈
於己 由內達外罔非吾事 以此終身他無所爲
名不副實位未滿德 惟其實心可傳後學 我
誦公言以銘墓石 惟僭是懼庶無媿色

省庵成公墓碣銘

故省庵先生成公諱浩字士集生於 嘉靖乙巳歿
於 萬曆戊子歿後九十有五年壬戌公之外玄孫
李萬齡以公之從弟茂朱公澆所爲行狀來示拯且

明齋遺稿 卷三十八
曰墓尚無碣願有以銘之拯嘗聞公名而未諳其人
今乃得窺其志行德學之本末其爲孤陋之幸大矣
而微夫從弟之賢孰能傳述之如此哉顧拯學淺文
短恐不足以闡幽萬齡請益堅遂按狀敘其世系歷
官且摭其懿行嘉言而係之以銘蓋公之先昌寧人
遠祖履爲高麗門下侍中六代祖士達昌山府院君
文孝公會祖玩戶曹參判祖希周宗簿寺正 贈禮
曹參判考世康內資直長妣江陵崔氏縣監興宗之
女配某郡田氏參奉應震之女生一女二男曰汝權
僉使曰汝機別提女婿曰李某司畜僉使有庶子震

雲震奕別提二子曰震龍震虎又有庶子三人震龍
子曰胤大而萬齡則外孫也震虎子曰弼大夏大皆
武科餘曾玄不盡載 宣祖朝戊寅夏公以學行被
薦除 康陵參奉以病辭遞庚辰夏除延恩殿參奉
辛巳除 昌陵參奉癸未冬拜 王子師傅教王子
盡誠丙戌遷司贈寺主簿仍除鎮安縣監卒于縣衙
公幼有美質稍長志學日用悉遵小學弱冠就學于
南靜齋彥經金惕庵謹恭之門不屑舉子業奉親色
養不出戶庭嘗作未發說以質於靜齋靜齋深加歎
服其早有見於昭曠之原如此嘗讀書山房過苦致

疾公氣本清羸病轉危苦見者皆以爲不可起公恬靜調養歷七載而痊人以爲學力也病時亦未嘗斯須忘學玩索不懈甲戌與同志結廬於加平懸燈山下臨流坐石竟日忘返大病之餘形骸癯然而飯粟茹草處之晏如戊寅聞清風郡龜潭之勝又約親友數人往棲于所謂玉溪洞者徜徉嘯詠講討切磋悠然有出塵之趣蓋公天分清高於聲色臭味之欲勢利芬華之累皆泊如也至誠僞之界義利之分截然如不可犯看書自經傳以至先儒諸書靡不貫穿不屑屑於句讀箋註之末而有會於言意之表傍及釋

道隱僻之語隨處洞然嘗得參同契試功焉爲著火候說旣而曰吾道中自有樂地奚必遺世獨立得罪於彝倫哉嘗遊三角山遇一少季察其色爲之招問乃見責於父母而出亾者公諭以孝慈之理其人感激涕下卽還家後以孝聞感公之恩歿身不衰又見一人於衆隸中異之叩其所學乃以造筮爲業者偶上寺遇參禪僧悅之從而問法略有所得者也其虛明而鑑識類此其爲縣清慎勤敏正己格物施之以相生養之道一境孚信隱憂時變其於閱武鍊兵尤致力焉丁亥倭難列邑調兵赴戰昇平日久倉卒率

目齋遺稿卷二十八
不能軍公聞令即整旅而行所過寂然無擾人服其
才一新縣校之簞簋筵席將大治聖廟以興儒化未
及而卒一境號泣蔬食其啓輶也哭奠塞路其仁之
入人心可知矣事親篤敬而愉婉其赴官也以離親
遠宦爲設酌奉壽酒後作嬰兒慕幾於失聲父嘗患
血脫每絕而復甦公常自抱持調藥以進靜而待斂
蒼黃之際至誠專密無一毫差爽居家嚴而有禮功
總之喪亦盡情文平居言若不出口身若不勝衣待
人接物樂易多恕至於制行繩尺必謹而不見有矜
持之容操守踐履終始不渝及寢疾歎曰吾當不起

若假我以年則吾學當有進亦有可傳者恨無人與
語耳良久又曰又何恨也蓋安之於命也其發於言
語文字者則嘗因靜齋與韓公脩論清虛一大之說
以書辨之曰清濁陰陽之氣也虛實其形也一二其
數也大小其象也皆相對之形也所以然者理也今
乃偏指清虛一大爲道則非徒認氣爲理濁實二小
獨外於道歟作論學說曰敬者一也天理之流行也
義者宜也人欲之淨盡也又曰此理自然苟見此理
何暇容力又曰工夫不進者計其效故也計其效者
正助之欲也有欲安能進學又曰道理只在目前本

明齋遺稿卷二十八
心非外鑠也聖人可學豈有間隔人以為聖非學可至豈真有志之士哉又曰夜氣清明則仁義之心快然如白日之中天如好色好貨好名等心如烟之蔽眼鼻之著鼻不可頃刻忍得故其詩曰超然獨立有無間一物何嘗自外干恰似前峯新月上清輝終夜照窓寒又曰一夜閱中庸一篇默悟無一字非狀吾心之本體又曰繼之者善乃機也知此然後氣質可變又曰性者命之理命者性之數命在天性在我在天者付之於天在我者自盡而已自盡者何道當如是故也又曰人無私智此心必明精誠所至此理必

通又曰孔孟之轍環天下生意藹然和氣滿于天地凡此皆公之所自得也總以論之其質清明其志高遠其學以虛靜存養為本以真切簡易為要後世必有誦公言觀公行而識公之為人矣又奚待於人之發揮之也茂朱公初名浹學於公又遊栗谷先生之門以薦亦官至縣監云銘曰

莊周有言嗜慾淺者天機淡其殆若人之德乎于以養心予以進學已重物輕中虛理得位卑於時年局於數有蘊有業惜乎未究衣冠之藏在
此仁川 新峴之里午向之原 其人雖遠言行猶

存 我書斯碣以示後人

社稷參奉 贈領議政李公墓碣銘

判中樞府事李公受 恩暇有事于先隴枉駕拯之
弊廬致家狀一通而曰我先考妣之墓今始豎石願
吾子之識之也拯辭不敢當而未獲命謹按公諱榮
先字克家其先全義人高麗太師諱棹其鼻祖也高
祖諱效忠兵曹佐郎 贈都承旨曾祖諱承孝弘文
修撰祖諱廷鸞全州府尹 贈吏曹判書考諱遵吉
贈左贊成妣 贈貞敬夫人溫陽鄭氏判官諱大霖
之女公以 萬曆戊子正月八日生稍長醇慤仁厚

任真無邊幅從石溪崔公命龍學仍遊沙溪金先生
之門植志以君子自期晦於身簡於言不屑於辨論
而確於所守遇事裁斷多人所不及光海昏朝鬼蜮
肆行禍急收司善類累足 仁祖改玉羣兇伏辜罰
摘染汚士論峻激公前獨守正不撓後更持議平恕
怨禍不能及焉晚而養拙田園不妄交人尤羞與貴
富者相從其或無行若將浼焉家甚貧窶而不見戚
容無論利慾財貨即事涉苟且輒掉臂不顧或遭途
境談笑以道之未嘗與人爭較也公自幼有至性九
歲而孤十三而承重府尹公喪皆能執制如禮奉大

明齋遺稿卷三十八
夫人無違志事季父如嚴父愛同氣如一身衰季丁
內憂而哭泣縗絰居處飲食之節一禮不懈俗忌痘
患或停祭奠四子同時病卧而行之不輟祭日致齋
冬不廢浴申戒內外供具必潔祭用凡物別藏惟謹
慈於子女而訓誨以嚴有過則不見不語改而後解
以此子女畏義無敢違越焉蓋公生質之美得之天
賦德行之懿本於師友其行於家鄉而可見者又純
篤如此而既自絕意於進取人亦未有識其蘊者季
踰耳順始以薦授慶基殿參奉明季辛卯移社稷署
不赴而終於乙未十二月八日位止一命壽又不遐

人不能不疑於天道然判樞公早敷明庭晚膺大拜

風節自樹為世名臣今引年請致事 不許而惓惓

王室忠誠懇至中外有識之士咸歸心焉 中外以下一作終始

不失望於人亦難矣 嗚呼此豈非公之所遺而 朝廷推恩所

生 贈公議政府領議政榮被泉塗光于家國此豈

所謂天道者非耶夫人驪興閔氏工曹參判 贈左

贊成汝任之女亦柔嘉淑哲事姑盡禮內治周整有

法度宗族咸稱之判樞公貴夫人從 贈秩親受貞

夫人誥後從 贈貞敬夫人生於丙戌十月十一日

卒於庚子三月廿七日公初葬于淳昌郡地壬寅二

月遷葬于任實縣白蓮山西葛覃之原夫人耐焉舉
十男三女男長尚斌監役次尚倫次尚真卽判樞公
次尚隣判官次尚民尚仁其四夭女長適縣監柳之
豪次閔元才次申滄察訪監役男延宗監役延甲延
基延栽延世延億尚倫男延翊婿李欽禹瑞圭防禦
使朴齊衡姜尚烈判樞公男延會延普別檢婿李斗
岳正字李世載進士判官二男三女婿洪厘徐敬祖
察訪餘幼尚民男延泰天延大婿權尚衡一女未字
尚仁三男二女皆幼曰柳釐曰閔挺商挺周柳星耆
曰申泰濟弘濟允濟李萬善外出男女也泰濟進士

曾玄不盡載判樞公與拯之先人交誼甚厚拯因而
受知不淺每屈年德與位而先施之今茲之命唯不
文是懼義固有不得以終辭者而公自爲狀一字不
敢誣從而要刪之亦庶乎無媿也已銘曰

不有以積之焉得以發之 不有以顯之焉得而述
之 承之引之曷不勗之 幽宮在是銘以飭之

公山縣監鄭公墓碣銘

公諱榮漢字太健其先延日人有諱浣我 中宗己
卯薦科吏曹正郎有子諱瀟僉知栗谷先生誌其行
義卽公之高祖也曾祖諱仁源 贈左承旨祖諱宏

明齋遺稿卷三十八
生員 贈左參贊考諱弘澤 贈左承旨妣安東金氏府使尚寬之女公以 萬曆庚戌生七歲而孤學于外從祖清陰金文正公清陰與伯氏仙源公亟稱賞之 崇禎乙亥中司馬壬午筮仕自 齊陵參奉宗廟奉事陞漢城參軍有殺人誣獄公直其寃如錢若水故事一府驚服由儀賓都事爲和順縣監五載三被表裏之 寵甲午拜工曹佐郎陞正郎除沔川郡守朝貴與人訟田公絀之時推刷公隸以得多者爲勝任皆發摘務前公曰殘民逞能非志也持以平恕境內安焉尋罷歸明季守白川郡屬北使踵至冠

蓋繹道公應之甚暇事集而民不撓按路者不悅於公以微事齟之邑民奔籲相府請輸軍餉千斛借公一年而不能得 孝宗末年命遴擢才儁朝臣多論薦公且請越格收用差惠局郎壬寅由 宗廟署令除公山縣監公故大州適降爲縣而湖西都會也素號難治公至則鋤削頑稷覆露貧弱立條創科究極利病行之三季秕政盡革治理流聞颺于湖右及將還廩穀之羨以千計悉以捐民賦又差訓局郎乙巳丁內艱居瘠踰禮終喪一不出廬外戊申拜潭陽府使辭遞除社稷署令會公山吏民不能得監司閔公

日齋遺稿卷三十八
維重以狀奏公前任治績 特命再莅公以風樹之
感三辭不得 命至之日老幼交慶初州之軍額缺
不補者甚眾 朝家虛其簿而胥之期以七季公一
朝而辦無投匭追逮之擾兵使以聞 上特陞通政
階以獎之其冬有均田之舉公躬莅原濕平其等第
民情胥悅己酉春 車駕幸溫陽之溫泉公詣 行
在歸而患痘瘡以三月廿四日卒于館一邑相弔如
悲親戚監司率僚佐治喪見無餘衣可歛皆嘖嘖焉
用是季五月廿八日葬于縣治南蘆谷乾坐之原夫
人宜寧南氏禮曹判書銑之女子男四人女四人男

曰世 世淳世沃世涵婿曰韓泰東某某孫男女某
某公爲人志氣峻厲而持心忠慤制行方毅而應物
寬厚性又惇儉無所嗜好每見綺紈子弟輒以戒諸
子常衣麤食淡儲無擔石其於聲色紛華之場尤整
然不亂人不敢以非禮相狎居官精勤廉簡守職操
法吏蠹民隱靡不周知裁節浮冗貶殺庖廚金矢之
入亦不以私費所至公用充切凡 朝家及上司徵
需皆出庾藏民或不知有賦滯獄健訟多歸於公劈
析疑遁咸稱孚允民久益稱思之公歿後十有五季
公之諸子狀公遺事屬搢俾銘于墓石蓋公之涖公

也拯居在傍縣稔聞公治行有非俗吏之有能聲者
公之居高陽墓廬也嘗歷侯之見其壁上片紙無非
前賢格言竊歎公得古人用心處今於胤子所記益
見其本末嗚呼使公得志展於世其可書豈但止此
而已哉拯受公知厚不得以不文辭謹最而次之係
以銘銘曰
人之有才古稱其難 而不盡用志士攸嘆 嗟惟
鄭公亦止於斯 若豐若嗇命孰司之 源瀾之諭
栗翁是徵 我引以伸用勗後承

軍器寺副正金公墓碣銘

顯廟之三季壬寅十二月一日副正金公卒葬于慈
母山下吾先子爲之誌後戊午冬改卜公州南境壽
藏山乙坐之原移厝焉淑人完山李氏寧越嚴氏並
祔其左胤子殿中公今伐石豎碣復命拯識之陋拙
不敢當固辭不獲公諱友淹字子范其先江陵人始
新羅武烈王五世孫周元遜國而居江陵仍封溟源
郡王子孫遂以爲籍至文貞公上琦文成公仁存爲
高麗名臣三世六公輝赫一代人 本朝有諱鍾判
書諱義恭持平至今簪組不絕高祖諱湘魁司馬官
參校曾祖諱士熙郡守祖諱杵早卒考諱行侗儻豪

明齋遺稿卷三十八
偉官止正 贈都承旨號長浦 宣祖朝聞人也妣
坡平尹氏 贈判書元龍之女公以 萬曆甲申生
五歲而孤稍長自憤從秋浦黃文敏公學文敏在光
海昏朝選誣被竄而終公即廢舉避世有姻黨之居
要路者怵誘之不能撓 仁祖初始仕由內侍敎官
長興主簿司憲府監察出監鎮岑縣秩滿遷振威縣
令已歷司僕判官恩津縣監珍山郡守所在有古循
吏風既歸築室于滄江之上文敏祠下老焉副正之
除在末季而不就竟考終于家李淑人商益之女兵
曹正郎凝之孫有淑德善行生二男一女而早世嚴

淑人郡守悅之女不育男長曰植即殿中公抱才不
試繼蹤江湖次曰桃通德郎女適朴世耆通德郎側
室二男四女杭健方渙安濬李根末爲人箕箒殿中
娶我從祖 贈都承旨尹公烜女生一男一女弘瑞
生員女適朴尚素通仕郎又有庶子三女二文瑞命
瑞重瑞尹揲李基陽桃娶 贈參判李穡女生三男
二女鎮瑞桓瑞信瑞女適金潛生員朴再炫進士朴
世耆二子泰興泰齊杭三子夏瑞餘幼健四子章瑞
餘幼女李世芳弘瑞有才志短命無子以信瑞子天
錫爲後鎮瑞一子堯錫桓瑞二子泰錫鼎錫朴尚素

三子明益誠益信益婿林邁餘曾玄未盡載合男女
七十餘人公至性幼成事親盡誠聞人篤孝感歎流
涕稟得之仁也植志從師丁昏守正十載遠迹不被
淫屈樹立之義也衰季居憂暑不脫經奉先追遠必
敬以潔內行之懿也聰明強毅長於政事本末俱舉
濟以清慎績用之著也莊重儼恪未嘗疾遽季踰耆
艾不設情容威儀之肅也伉直自守不肯俯仰得喪
榮辱處之裕如志尚之遠也至於沿溯淵源詠歌風
韻作新遺祠興起斯文一心不懈沒而後已則是又
信道之誠爲平生德業之本者也噫此皆公之實德

而吾先子之所述也小子何敢贅一辭焉况殿中公
以公遺志淡惡浮誇兢兢然惟溢語是戒亦身得違
之謹撮叙始終如右而係以銘銘曰

世道一降夸毗相尚 惟知物重孰恥實喪 允矣
君子龍門舊學 獨保天衷終守一脉 才通仕枳
德厚位薄 人方稱屈我自爲樂 載其逸休以貽
後慶 伯嗣志事仲蕃子姓 有蠹螭頭鎮此山岡
我文雖短流風則長

同知中樞府事權公墓碣銘

公諱順昌字聖之姓權氏安東人高麗太師幸之後

也奕世冠冕號稱甲族高祖諱博牧使 贈吏曹參
判曾祖諱德輿副提學祖諱克中洗馬 贈右參贊
學于牛溪先生信道篤行處困如亨浦渚趙文孝公
銘其墓考諱傲己郡守 贈戶曹參判清高有操行
妣 贈貞夫人全州李氏縣監澤民之女公以 萬
曆己酉生天資秀美幼稱壁人少從沙溪金先生學
季十九中丁卯司馬遊太學爲章甫所推重乙亥與
同志士首發牛栗兩先生從祀文廟之議士論歸之
國法津三百點許赴館試公臨科偶少一點主司與
僑友皆勸之謂無妨公終不赴人以爲難乙酉筮仕

由冰庫別檢長興庫直長陞義禁府都事歷拜刑戶
二曹佐郎在刑曹時有 親鞫之獄支節頗煩公以
色郎口詰手書終不一差蔡公裕後稱其文曰如此
才而尚滯於郎僚乎鄭相太和亦淡器之稱於公座
曰今日州牧之薦當以權某爲先己丑拜臨陂縣令
治績表著爲繡衣褒啓三年罷歸民立石頌德敘拜
刑曹正郎癸巳除石城縣監該曹啓畱之尋拜秦安
郡守及歸爲刑曹正郎司宰僉正戊戌守天安郡蒙
表裏之 賜辛丑以親病棄歸仍丁外憂服闋守溫
陽郡二年棄歸乙巳由工曹正郎補安城郡守病不

赴旋拜原州牧使二季遞丁未歷漢城庶尹守高陽郡三季棄歸庚戌拜尚州牧使親病不赴旋拜鐵原府使以沙溪先生曾莅此邑遺化猶存欲建祠設院以爲俎豆之所適以親病去官未就常以爲恨時連歲大侵公多辦賑穀濟活甚衆而終不求知於上司邑人稱頌有劇盜殺越人命公使褊裨捕得誅之以勞陞通政階公恥之屢移書於東銓洪尚書處亮力求免洪公即公之執友也至啓寢其命而不能得癸丑再守安城丁內艱服闋除楊根郡守引季不赴自此累除僉知中樞府事戊午移拜敦寧府都正久

之有近戚新陞堂上應處是職者公即辭遞時議多之尋以子道經曾經節度使大臣有爲公援例請推恩特陞嘉善累拜同知中樞府事丁卯五月二十四日考終于京第壽七十九是歲八月葬于公州榛谷里丁向之原公生長世德早從儒學事親誠孝居官廉謹持身謹飭處家儉整蓋考郡守公嘗爲上官所構禍將不測公囚首席藁於金吾門外號泣訟冤徒跣道路者百有餘日見者莫不愍然諸公競爲之伸辨事以得解其遭憂執喪過禮幾至喪明母夫人享季甚高公亦近七袞而定省告面之節不以季衰少

明齋遺稿 卷三十一
憐在鐵原時母夫人疾篤醫言當進牛黃竊鄉猝難
辦公方遲遲時當釋菜宰牛忽有得以進之乃瘳人
皆感歎歷官內外四十季一心奉公未曾以官事獲
譴平居日必早起盥洗冠帶而坐見人有不合意者
雖少時交遊而為卿相者未嘗參尋性惡奢靡不服
華美巫覡浮屠不入於門晚季取栗谷先生所定祭
儀略自添刪遺書戒子孫曰祭宜誠潔不貴豐侈先
世祭式吾不敢增損自我為始無違也公之實行著
於表裏者如此公為人端重慈詳濟以明敏文藝早
成聲名著聞人皆以金閨玉署期之屢舉竟不遇既

仕即廢科棲遲於郎署州縣竟以散秩老焉知公者
為之稱屈而公未嘗有嗟卑歎老之意晚夏絕意世
事時與數三老人從容於樽俎之間怡然以自適以
卒其世嗚呼公於五福不備者無幾矣即世所謂榮
枯得失何足論焉公配仁同張氏牧使遇漢之女德
容甚備生二男二女丁丑江都之亂殉節以終壽僅
二十九繼娶茂朱金氏亦先公卒俱 贈貞夫人側
室生二男四女張夫人先葬于榛谷公之葬也合而
祔于左金夫人葬于某所男長世經牧使亦早有名
於賢關不第以循吏稱次即道經兵使女長適士人

羅星遠次適縣監李墀側室男彥經主簿次大經女
婿曰許厘僉使尹翰周金謙厚李秀謙牧使三男二
女相夏郡守相殷察訪李栢周女適李世遇尹沆俱
進士兵使二女適進士李宜璋正言李萬齡庶子女
相堯相舜宋光榮羅有一男弘佐府使女適縣監宋
炳夏李有四男志長志望志容志寬二女適士人沈
樟副提學趙持謙彥經大經許尹金李俱有子女內
外孫曾合七十餘人嗚呼公與拯之先人居同閭少
同業又同患難於江都平生交好甚篤牧使狀公之
事行纒經見拯於先人塋下屬以墓道之文拯病陋

不文始不敢當既見責以情誼不獲終辭謹序次如
右而係以銘銘曰

忠孝家世道學淵源 有令其質有斐其文 宜亨
雲路用展驥步 而局於斯孰云匪數 唯才與行
可究本末 涉世不跲行已無缺 惠留八邑壽躋
卿秩 優游晚景享其休佚 我觀夫子天餉實厚
于以篆石尚示永久

俞生益基墓碣銘

杞溪俞君益基字汝受忠穆公泓之五世孫也高祖
大進工曹參議曾祖哲曾祖枋掌隸院司議父命觀

明齋遺稿 卷三十一
母崔氏參奉曦之女君以丙申十一月二日生及長
爲問道齋宋公墓厚婿嘗來過余有從遊講學之意
其後累以書來其志彌勤未幾不幸病歿即壬戌七
月三日也余聞而悲之久而不能忘其妻宋氏女士
也以余爲其父友而且知君之心也諺錄君平生一
通且以君之兄碩基所爲狀請銘於余余益哀之遂
掇其可傳者次以爲序而係以銘君爲人秀拔言笑
簡少季十六喪母君適從祖父于湖縣自痛久離未
及見哭泣之哀終喪如初父後娶君省繼母于其家
曲盡子道繼母之父喜謂女曰得子如此汝無憂矣

繼母嘗得病泣曰使某在側豈使我至此苦蓋君適
在遠故思之也人咸稱之與兄友愛篤至出入未嘗
相離常相謂曰兄弟當合產共息人之至樂孰大於
是一日兄未授衣而君服先成寒不肯著妻知其意
即以其衣奉兄然後怡然而喜憫親家窮窶常懷立
身榮養之志劬書不懈君侍祖父在京而父母在鄉
莊每聞其朝夕淡苦輒掩卷感然令妻私斥所有市
美味以送蓋孝友之出於天賦者如此始有室與妻
約以古道相戒勉和敬如朋友性好儉素衣取綿布
又喜施與如文房筆墨之類亦樂與人共之鮮有藏

明齋遺稿 卷二十八
蓄問道公有六女無子歿後以弟子爲嗣嗣幼弱而諸女各歸君挈婦歸也即以所分田土作券付與所後家而來其行美而志潔亦人所難者噫以君資質儻假以季使之卒遂其向學之誠則其德行之可傳者豈止此而已吁可惜哉生一女君歿之月亦天宋氏將求同宗子以奉君祀云銘曰
兄憐其悌婦哀其良使我興嗟 荆棘則茂芝蘭不芳吁其奈何

和順縣監朴公墓碣銘

人有恆言曰居家孝友莅官清謹然允蹈者鮮矣又或修於表而歉於裏有其始而渝其終若夫允蹈於躬而表裏無二終始如一者吾於咸陽朴公見之矣公諱成阜字汝厚大丘府使諱徹之子也妣淑人全州李氏其考曰縣監德溥公以 萬曆庚戌六月廿二日生文質夙茂不幸嬰疾早廢公車業季五十始筮仕由繕工監役遷金吾郎壬寅監平澤縣地狹民殘公竭誠撫摩丙午爲繡衣所誣就理猾胥之逃罪者構之也竟徒配瑞山翌季宥還戊申復內資主簿己酉除扶餘縣監當辛亥大侵盡心賑政濟活甚衆修義烈祠表慎齋金先生遺愛碑以寓尊賢之誠秩

明齋遺稿卷三十八
滿而歸乙卯除和順縣監戊午罷歸公州之滄江蓋
江叟金公植公石友也曾有暮季同老之約至是就
而居焉杖屨相從逍遙甚適親舊之在朝者以公老
而貧就除利仁察訪未幾復歸滄江扁所居以四拙
窩其義以爲不善言笑拙於行世苦乏酒饌拙於待
容鑿岸爲屋拙於構巢借田爲農拙於謀生云丙寅
十月感疾沉綿日臻而神氣不亂口占長律以訣江
叟竟以是月廿三日終壽七十七十二月壬申葬于
青陽縣燕子峙卯坐之原從先兆也公事親至性出
天母夫人夙抱痼疾積二十季公晝夜侍側藥必自

煎丙丁避兵之日手自扶輜及遭喪不脫縗絰不食
蔬果哭泣幾失明其後丁外憂也年已向衰而執制
一如前喪見者皆憂其不能保竟得無恙始咸歎之
謂獲神祐大丘公居家未嘗畱意家事公經紀有法
甘旨無闕又未嘗離側雖深夜不命之退不退退又
未明而省未嘗一日不然也友愛弟妹至老彌篤末
年流寓湖中思戀之情形於色辭其寢疾也語不及
他唯曰某也今不可復見矣仍泣下傍人不能仰視
遇宗族恩意周遍雖性偏多疑者亦感服焉與人交
不喜翕翕而不事畦畛表襮人皆愛敬之大丘公嘗

明齋遺稿 卷三十八
定家祭禮公一遵守不違且以世俗忌墓輪行非禮
之正皆自備而行之遠代之忌雖未得參祭季高後
猶不廢兩日行素其篤於報本追遠又如此居官依
大丘公遺矩不用公物不營私事其自奉盤無兼味
獨於親舊待之優厚民賦有逋必賑貸之廨宇有廢
必繕葺之及遞歸官庫常盈溢焉然絕無誇衒之意
故所在雖無赫赫聲而去後之思久益不衰爲平澤
也不用糴穀之耗積置累百石而歸後 朝家有移
粟之舉搬運所縮欠當更徵於民遂以公所留者充
之民始大悅自扶餘歸也行李只有梅查一盆而已

嘗戒子弟曰人之少也雖或自厲而血氣既衰未免
有苟且之事汝等切勿向人干求也又嘗曰利之於
人爲害實大吾平生未嘗做一利字汝等切宜戒之
平生不喜聲色雖在衆樂喧闐之場未嘗傾耳中季
叩盆不復卜姓獨處二十年泊然不以爲苦也又不
喜修飾服用自大丘公累典大邑以至公三爲縣宰
而如書几硯匣之微一無所造其爲冰蘖之節亦非
由勉慕而強爲之也其性然爾遇事莊慎未嘗爲嘽
截之行而操守之確則有不可奪者嗚呼此皆公之
實德也配淑人白川趙氏觀察使廷虎之女幽閒淑

明齋遺稿 卷三十一
哲閨範甚備事舅姑極其誠孝大丘公性嚴少許可
見淑人未嘗不喜及疾革見淑人侍側命左右扶掖
以坐曰新婦事我孝吾無以報唯願新婦永膺多福
與公同年生乙巳五月卒于平澤縣衙壽僅五十六
初葬于牙山縣西及公之葬遷而耐焉男長曰銑次
鉉鉞鏞鈇銑仕止司篘主簿未第而無年入咸惜之
有二男三女男曰尚淳進士尚浚婿曰李泓生員徐
宗孝季未行鉉三男一女男曰尚澂尚濬尚淹婿曰
李宅相鏞以薦入仕前四山監役二男曰尚泰尚需
二女未行鏞二男二女男曰尚永尚沆婿曰尹東佐

鈇二男三女男曰尚涵餘皆幼曾孫男女二十餘人
幼未盡載拯與公之長胤主簿君自少交好因而獲
拜於公及公之寓滄江也以時候之謙卑溫厚操存
敬慎之德藹然可見而居處靜淨服用淡儉無非可
欽可慕退而未嘗不竊歎以爲古之篤行無以過也
監役狀公之事行俾爲之銘拯於前日實承公命僭
銘大丘公墓更不容以陋拙辭謹撮其狀而係以銘
銘曰

嗟人之生天賦爲美 笑貌聲音梔耳蠟耳 惟公
卓行一任其真 斷斷平生無有緇磷 清豈我名

節豈我貞 惟其慾寡是以心平 我欽公德終不
可讓 銘公不媿媿我無文

司憲府掌令 贈吏曹參議申公墓碣銘 丙子

當我 孝顯之世嶺南之上洛州有隱君子焉曰白
原先生申公碩蕃字仲衍爲人高古有文章自樂於
己無慕於外甘貧守素以終其身公歿之後二十有
一季其胤子燿以拯之受知於公也屬以墓銘拯衰
病昏耗人事殆絕而燿季踰七十遠來勤苦不得以
終辭也謹按狀公之先平山人高麗壯節公崇謙之
後至文僖公槩入我 朝其孫曰叔彬始居于上洛

是生世寬寔公高祖也曾祖諱裕進士祖諱應麟
贈判決事連三世早歿不顯而皆有名行考諱謹宣
務郎屢舉不中教授於鄉妣原州邊氏德水李氏公
李出也以宣務公命出爲縣監諱景翼之後所後祖
曰主簿諱雲曾祖曰諱公獻高祖曰諱珀妣曰某郡
某氏也公以 萬曆丙申二月廿二日生自在孩提
穎悟異凡兒十五出後及丁所後考憂事有難於處
變者隨遇順應不失和平人以爲難少學於松郊李
公榮及長從愚伏鄭公經世遊俱見愛重公在京時
嘗與同里輩流就一文官受業一日見其人言動異

常雜流紛沓遂絕不復往來居數季其人果至宰列
陰謀不軌被顯戮愚伏每稱公季少通識炳幾勇脫
人不可及嘗從容問何以先知之公對曰鄉曲賤蹤
自與權門致踈寧有識微之智乎愚伏尤歎服其言
崇禎癸酉春陞上庠自丙丁之後不復應舉辛巳除
大君師傳甲申除慶基殿參奉赴任月餘而歸其後
再除童蒙教官及別坐戊戌冬超拜刑曹佐郎時
孝宗大王大奮有爲之志急於求士銓曹奉 旨薦
十人直陞六品而公爲之首詣闕謝 恩而還己亥
五月 孝宗昇遐奔哭過 大葬而歸有 命錄外

方來會者付職連除司僕主簿工曹正郎甲辰除祥
雲察訪赴任數月遍觀楓嶽五臺而歸戊申除宗簿
主簿己酉拜 世子侍講院進善成均館司業有
旨召上疏辭以護軍下 別諭又辭壬子復拜進善
有書冊衣資食物等 賜癸丑拜司憲府掌令甲寅
八月 顯宗昇遐 今上初復以掌令 召是時公
季七十有九矣以 嗣服新命不敢在家辭免強疾
作行至聞慶縣上疏乞骸兼陳民瘼而歸十二月十
二日以 大行下玄宮之辰喪食墜哭露處達曉遂
感疾彌留命勿用醫樂竟以乙卯正月廿一日易箆

二月朝廷以公季滿八十陞授通政階蓋州未及申公之歿也三月葬于州東長川白原山乙向之原歲壬戌朝廷以公有階而無職白 贈公吏曹參議配東萊鄭氏 贈淑夫人文翼公光弼之玄孫而縣監崇衍之女也先公歿葬與公同山而異兆有三男一女男曰炳燿燿女婿曰朴商逸炳一女郭柄武科燿男命達命膺命俊女金震重燿男命稷命說女全楚壁朴商逸男始慶夏慶女宋道進公性簡淡不喜交遊不尚浮華見人是非未嘗質言聞人譏詆未嘗自辨喜怒毀譽未嘗發諸言語然於淑慝所在亦未嘗

媿嬰於財利尤脫灑嘗稱古人之言曰財猶膩也近則汚人居家貧窶朝夕不繼而未嘗見戚嗟之色左右經籍撫玩紉繹不小休輟嘗求得未見之書如恐不及尤好擊壤集每歎賞曰此書最好養性一言一字無非使人有自得處平居訥訥言若不出於口而至辨論文義談說古今縱橫暢發如建瓴然尤強記至於輿地幅員山川道里靡不貫穿如身經歷者於國朝事蹟最詳愚伏嘗謂曰恨不得以暇日從容聽所論也前後除官拜 恩者三其赴慶基殿則以初蒙 恩命不敢偃蹇也刑佐之拜則以 特恩超陞

感激 聖意也晚節祥雲之赴則時有通公臺憲之
議故欲優游避名且與烏川鄭公養約爲作海山之
遊也蓋鄭公與公友善而時宰水城郡既歸與拯書
有曰真箇金剛誤人矣雖欲自謂之非狂得乎至於
己酉春坊國子之除則趙松谷復陽長銓爲主類宗
主以公宿儒邃學力爲之推轂公議避之而公輒稱
不敢當曰不敢自欺吾心也及其病中有以臘月望
後邸報來者覽後置座側徐曰其果至此耶遂召左
右口呼作數札馳慰於知舊傾心處自此以後無一
語及他事蓋公之言曰士生斯世出處進退難保

終始往來消長寶關時運風雲際會古昔賢達孰不
欲親於其身而悔吝凶咎罕有完名於末路者徐孺
之不應徵辟魏桓之隱身就沒豈無所見而然哉區
區此志不敢竊比於古人而其或有知我者耶嗚呼
此公之始終也雖不足以盡公之蘊而猶可以想像
其氣象矣抑公之平生所樹立實有卓然過人者蓋
國家朋黨之禍始於 宣廟中季而牛栗兩先生實
當其危當時醜正之論至今爲一邊人所傳習而嶺
南則有甚焉公師事愚伏而淡知愚伏末年悔悟之
見嘗稱愚伏之言曰古語云不知其人見其友吾見

吳汝益鄭時晦而後知牛粟之不可毀也汝益忠貞
公允謙之字時晦文肅公曄之字兩先生門人也蓋
公之高識明見早能自得於兩先生之遺文有以洞
然於陰陽邪正之辨故所以闡發其師之微旨以明
其先病後瘳之實者其誠亦至矣非夫豪傑特立之
士安能自拔於眾楚之咻而不亂於朱紫之眩哉公
與其弟侍直公碩亨俱先人同季進士也公嘗來訪
先人於山齋其後先人有關東之行則實因公與鄭
公爲之先後也先人有紀行甚悉拯亦獲承顏範而
屢蒙手札之誨矣平生慕用實不淺鮮今於銘公之

墓有何媿焉唯學識昧陋言且無文不足以形容有
道發揮幽光而傳示久遠是可媿也已銘曰

小人諭利君子好名 究厥所存誰濁誰清 嗟惟
先生早透此關 惟其欲寡是以心閒 一簞一瓢
一壑一丘 生全其樂歿有餘休 數尺之碣衣冠
是藏 我文雖短清風自長

全義縣監權公墓碣銘

壬午

嗚呼古稱才難有才固難而其見用而措之事業者
爲尤難拯於故友權公次仁嘗服其賢而悲其湮沒
其胤子以拯知公也以狀來請銘按公之先安東人

明齋遺稿 卷二十八
祖曰晚梅先生諱得己考曰炭翁先生諱認妣曰貞
夫人咸陽朴氏正郎諱知警之女也公生於 天啓
乙丑八月十七日諱惟次仁其字也字以仁者以生
於仁川識其所由生也生而穎悟不勞而學嘗經丹
痘餘熱攻目幾喪明閉眼三季而愈人以爲難甫弱
冠淹貫經書通達大意志氣高邁兼有器局自待已
不淺而人亦以遠到期之始不肯爲舉子業既奉老
窮居無以爲養晚就科場爲文直寫出胸中所有不
拘世俗程式趙公復陽嘗爲考官見公對策一筆萬
餘言皆可舉而措之非空言亟稱賞之擢置魁元後

亦累舉不遂歲壬子連丁內外憂服闋始以薦授
貞陵參奉年已五十矣時 上初即位一番入用事
懷川宋相首被謫人或規以不當以此時濡迹公曰
吾世祿也爲貧之仕義無不可恭命勤職以盡吾分
而已遂就之歲滿轉敦寧府奉事戊午又轉內資寺
直長故事各司例轉皆有窠次公當美遷而時宰噉
公不謁己易之或以爲言而公夷然凡仕於各司者
一聽胥吏之稱前例以行否則輒爲吏故生事去之
公必欲盡其職考校簿書防覈奸僞輒有所施設同
僚憂其齟於吏手公曰吾職如此他非所知也庚申

明齋遺稿 卷三十八
陞義盈庫主簿移掌隸院司評詞訟之久滯者卽辨
折決遣之其涉疑似者潛心究索或終夜不能寐曰
見之不逮思之不審皆足以寃人而誤事吾不敢不
勉也關西人有負屈者來謝曰吾雖見屈感公之終
始無私也及去職訟者皆愕然至或涕沱壬戌出監
全義縣邑殘而民疲公悉心撫摩纖細必親收租賦
必先爲之期曰某里某日申告丁寧及期無敢後者
不輟一人而畢差役爲置井間手注其下又爲之方
僂使之公私俱利邑有一大戶丁壯多匿其里中公
至一刷出之請囑若不聞有一丁充哨伍屢督而後

見痛懲之然公行之不以聲色無幾微向人道說人
亦不能怨甲子夏有疾投狀歸儒城之舊莊家孥後
至公使檢歸橐有行資之稍贏者使還之竟以是歲
九月十八日終壽僅六十噫以公之才所書者止此
命也拯少入公門見公家庭之間孝友因心日夕所
講討者無非義理有事無大小炭翁必與公商量入
以爲父子而朋友也炭翁既老不問家事又遷徙東
西公晨昏奉養之外家中上下衣食百需身任經紀
盡其心力炭翁晚以庚子一疏不容於時退居松楸
窮窘彌甚而菽水盡歡未嘗有怨尤之色懷川與驪

明齋遺稿卷三十八
江尹鑄以禮訟相仇公懷川之婿而又與驪江善於
兩間不置畦畛各盡所見嘗曰天屬主恩有委曲相
保之道若師友之間則當論事以直輸心以誠雖有
不合彼此無媿若欲隱忍不相乖異則終未有不敗
者也嘗與懷川言曰翁與草廬無言不合然終必相
睽懷川作色曰同尊孔子同扶陽安有相睽之理公
猶質言不已又嘗謂拯曰君子和而不同今則所謂
同也如君輩亦終必不容矣拯猶不以爲然後果如
其言先見之明何翅燭照也驪江既敗受刑訊發配
人不敢問公自早衙追見於城外驪爲示其裏脛血

帛曰不料禍之至此也公笑曰禍豈止於是乎其子
義濟公之妹婿也歿於謫所無子公將棄官往收其
喪適有其族人行者乃止其處於禍福急難之際者
人不可及懷川既不能受公言則又從而疑之其門
徒之攻擊無不至而公坦然獨行無所屈撓相見必
極言其門徒滿前而不顧也公歿之後懷之思公之
言屢形於文字云蓋公之至誠有以感其心也嘗戒
諸子曰人而不知有學則縱慾無忌終爲禽獸之歸
耳吾雖不能刻苦用功而亦未嘗一日怠也噫所謂
學豈別件物事耶只日用之間分別義利理欲之分

善者從之惡者去之而已公之言行一以忠信不欺
事必求是爲主本則此眞所謂學也然公自以不能
委身從事以充其志故自道如此拯從公遊三紀餘
矣雖愚智相懸而相與愛慕特淡心中所存無一不
與公言者拯之遭甲子事也公來訪爲之憂歎甚切
謂曰固知早晚有此懷翁必不置君將奈何拯又猶
不以爲盡然公則一喟而已既閱盡世變之後回思
平生之言公則盡我而不能盡公者多矣此古人
所以流痛於九原也公配宋氏生後公一歲歿先公
七年公葬於公州儒城縣山內鄉無愁洞卯坐之原

宋氏祔焉三男一女側室一男三女男長曰以鋌通
德郎有志氣向學未就而早歿有二子二女子海徵
女婿鄭龍瑞仲曰以錯亦通德郎有二子三女女婿
尹某季曰以鎮前弘文館修撰有二子女適士人李
寧錫有二子三女女婿金某尹某側子曰以鋡有二
子二女側女一爲士人金愚得妾有一子一女婿趙
纘善一爲參議洪受疇妾有二子四女婿某某一爲
金謙厚妻海徵有二子一女銘曰

嗟公立身本末兼有 識高量宏行醇才富 乃尼
於位不展抱負 在公何愠世道可咎 我言無文

明齋遺稿卷二十八
無以傳久 式承以闡尚在爾後

堂叔父參奉府君墓碣銘

公諱溟舉字子羽姓尹氏坡平人始祖諱莘達高麗
太師四世而爲文肅公諱瓘又十世而爲昭靖公諱
坤八我 朝官至吏曹判書又四世而爲大司成諱
倬以經學重於 中宗己卯之際是公五代祖也高
祖節度使諱先智曾祖諱暉 贈左承旨祖諱昌世
贈吏曹參判考諱燾漢城庶尹 贈左承旨妣南原
尹氏僉知中樞祈之女公以 萬曆壬子八月廿二
日生姿稟端粹自髫齡已有向善力學之志旋嬰疾

而廢 崇禎癸酉丁外憂服闋仍居墓下不赴公車
疾少間中辛卯司馬丁酉調濟用監參奉明年戊戌
舊疾復劇竟以其六月十五日不起壽僅四十七公
性至孝事大夫人藹然有淡愛形於容色有疾則日
夜侍側不脫衣帶或有過柔聲以諫不入則至有涕
泣時以此爲大夫人所鍾愛賜與優於昆弟輒固辭
公之疾革也大夫人適在他所臨絕無一言及他唯
稱欲見慈顏者數聲其終身孺慕如此又於親戚極
其睦厚接人應物務盡悃款平居好禮喪祭必遵禮
書不敢違越奉身儉約紛華聲色一無以累其懷雖

早以沉痾不克成就其志而其心亦未嘗少懈教子雖甚慈愛而必以義方使之尋師就學以行藝爲先不但如世俗榮利之望而已其歿也堂兄石湖公爲文以哭之曰嗚呼羽卿以清明之資躬孝悌之行立志耿介行己端方居家則獲於親而睦於族與人則好其善而親其仁庶幾古人所謂未學而已學者早嬰美疾而不得充其量晚沾薄官而不得遂其願始抱不秀之歎終負反哺之志痛哉痛哉公之本末殆盡於此矣配星州李氏兵曹參知尚俊之女和順謹敏婦德兼備公弱冠時病在危境者數季雖嚴寒風

雪必沐浴露立泣禱于天疾止乃已奉大夫人一以公之心爲心凡膳服之供親執其事必皆適口而優體大夫人甚親安而愛重之與妯娌同居終始和敬有無共之生長仕宦家而旣處窮約服習勤苦略無宴安之意其遇夫黨諸親又皆曲有恩意門內莫不稱之與公同時寢疾以五月二十八日先公而終其季九月二十六日合葬于鎮岑縣九峯山麓丙向之原有三男五女長曰拭次曰抑俱有美質至行而天歿季曰擇生員才器過人季四十三又以布衣徑逝人咸惜之次長適僉正李星齡不育次適士人梁克

明齋遺稿 卷三十一
家次適進士李挺季適士人李淳一女天拭娶參判
金汝鈺女無子以從兄揆之子大教爲後抑娶執義
李杭女生子女俱殤以從弟提子承教爲後擇初娶
判官具釜女生一女適俞敬基後娶士人權休女生
一男一女男曰碩教女適鄭錫老梁克家有二男二
女男曰夢翼夢旭婿曰某某李淳有三男二女男曰
顯東顯道顯箕餘幼大教二女一男承教二男碩教
一男皆幼公於吾先人爲從弟也先人平日愛公特
深而拯與拭生較一歲少同學業故公之愛拯亦異
於羣姪追思至今未嘗敢忘擇之存也與之同草家

狀將請銘於重言之君子而未及焉今大教等以屬
於拯謹復最之而係以銘銘曰

嗟公醇行一門之良 配以令德百祿是將 云何

一朝祥變爲殃 蘭摧玉折逝水俱忙 祐善之理

一何茫茫 惟天有定厥類孔彰 必有餘慶後人

其昌 先壠之側向陽之岡 百世永寧尚無隳傷

戶曹佐郎 贈戶曹參判李公墓碣銘

公諱時苾字子芳系出璿源始祖諱瑋以 莊憲大
王別子封寧海君諡安悼歷再世而爲宣城守諱期
是爲公之高祖也曾祖諱德良 贈左通禮出後於

明倫彙編 家範典 卷三十一
從父朱陳守諱瑗己卯名賢江寧副正諱祺子也祖
諱耆命司評 贈左承旨考諱揚烈進士有文行早
卒 贈左承旨妣漢陽趙氏 贈參判維漢之女公
以 萬曆辛丑四月廿六日生生而雋異十六丁先
府君憂易戚兼備隣里稱之自以早孤劬書不懈癸
酉魁解額中司馬兩試是年筮仕爲禁府都事轉司
導直長丙子陞六品又拜金吾郎冬邊遽至 大駕
急幸南漢公未及從蒼黃奉母夫人出城抵南陽紫
燕島以爲既不能扈 駕寧奔問 廟社遂入江都
時 孝宗大王以大君在城中城將陷公請謁曰小

人官雖卑亦宗室後裔國事至此願奉 宗社死
大君曰爾與吾當死生同之仍令以家屬入處于闕
內分司白授公假都事事定還京家居落拓無意進
取奉母夫人流寓嶺南羈旅困苦而滄澹無闕庚辰
除平陵察訪李公明漢爲方伯與之同遊海上酬唱
甚得歎曰以君之才尚慳一第耶秩滿入爲引儀兼
參軍癸未拜戶曹佐郎甲申冬拜龍潭縣令丙戌湖
西有潢地之變公設機捕其黨之在境內者檻送伏
誅而臺官誤以緩治劾之既置對乃出及錄勳因
賜寧國原從一等券丁亥拜司憲府監察戊子春又

印齋遺稿卷二十八
拜戶曹佐郎夏出盈德縣令未幾忤方伯罷庚寅正月由掌隸院司評移刑曹佐郎一日因公事詣闕中寒病猝徂以二月十六日終于第壽僅五十以原從勳贈左承旨後加贈戶曹參判二月權厝于先塋下以辛卯二月窆于先府君兆左乾向之原公性仁孝以早失所怙終身哀慕事母夫人志物奉養夙夜靡懈撫幼穉三妹婚嫁不違時待子弟慈而嚴無敢以惰容見處朋友和而不狎敬而不踈所交遊皆一時知名士其居官也在內而職事舉處外而吏民安平生以伏節死義自期丙丁以後雖以親老家貧屈

首奉檄棲遲下位而常慷慨有不平意其志可見也善草隸爲詩文藻思穎發有詩集一卷藏于家配慶州鄭氏郡守皓之女有至德懿行公卒大夫人以大耄在堂左右供奉無異少日祭祀豐潔事必躬執雖勞不使卑幼代之壺政甚修公在時未嘗有窶乏狀不知公之貧者以公爲不貧也教子弟馭奴僕皆有法度後公二十二季季七十一而以辛亥九月十六日卒祔葬公墓左子長曰廷麟擢第官至兵曹佐郎季曰聖麟進士郡守女適士人金一瑞佐郎子彥經彥緯俱進士女婿沈廷鳳郡守子彥純承文正字次

明齋遺稿卷之二十八
彥綸四女婿沉鳳瑞權相周鄭敷宋徵奎進士金一
瑞子遠慶二女婿李楫李鼎台曾孫男女內外總若
千人嗚呼公藝業夙茂華聞早著而位不顯氣宇魁
梧行誼純備而壽未遐蓋若有命存焉而子姓文行
彬彬抑所謂不羸其躬以遺後人者耶公與我先君
爲同季進士先君嘗與市南俞公同棲於錦山之麻
霞峯下公之宰龍潭也每攜酒來訪至輒信宿於所
謂山泉齋者觴詠相酬暢晤忘歸拯時以童子隅坐
而覲德焉至今回思如隔晨事而如露餘喘髮已種
種矣佐郎君亦嘗來顧窮谷講修世好又忽逝去而

今郡守使純與緯來託公墓銘不容以不文辭謹敘
而銘之曰
有盈于祿而歉于德 有伸於前而屈於後 以公
視彼孰得孰否 有詩可傳有志可則 予以篆之
來者可識

明齋先生遺稿卷之二十八

